


MT
B976.1
1031





聖
教
禮
規

NAZARETH 1906

天主降生一千九百零四年

香港主教和准

香港納匝肋靜院印版

聖教禮規目錄

卷之一

扶助善終小引

見一
張

臨終規條

二

提醒病人發諸善情模式

四

痛悔

四

信德題目

七

望德

七

愛德

九

敬德
奉獻
願死
順命
忍耐
看苦像
向聖母
向天神
向諸聖

見十張
一
十
十一
十二
十三
十四
十五
十五
十五

助臨終經

見十七張

臨終禱文

十八

祝文 靈魂出竅時誦

廿至廿九

後文 靈魂離肉身後誦

廿九

卷之二

葬喪禮節

三十

安葬幼童禮節

三十五

葬幼童時誦

三十五

聖會喪事禁條

四十

聖會喪事規條

見四十八張

喪禮問答

五十四

訃聞式

七十一

告白

七十二

通功煉靈單式

七十三

碑文式

七十三

卷之三

誦亡者日課規模

七十四

亡者日課經

七十六

暮課

見七十六張

爲先亡聖會宗牧祝文

八十

爲先亡鑒牧鐸德祝文

去世本日三朝首
七滿月週年誦

八十

爲先亡父母祝文

八十一

爲先亡弟兄親戚恩人祝文

八十一

爲先亡一男祝文

八十一

爲先亡一婦女祝文

八十一

爲先亡男女祝文

去世本日宜誦

八十二

爲先亡週年祝文

八十二

爲新亡男女祝文 三朝首七滿月

八十二

爲先亡諸信者祝文

八十二

夜課經

八十三

夜課經第一節

八十四

夜課經第二節

八十八

夜課經第三節

九十三

讚頌經

九十九

煉靈讚美經

一百七

第一台

一百七

煉獄禱文

見一百七張

第二台

一百十三

公審判詞

一百十三

第三台

一百十五

爲新亡嬰孩領洗而卸世者

一百十六

卷之四

婚姻要旨

一百十七

婚姻要欸

一百十七

接親行禮式

一百二十

請衆誦經

見一百二十一張

庚帖模式

一百廿三

一報期模式

一百廿三

三代拜帖

一百廿五

次報期模式

一百廿五

卷之五

詩對匾額小引

一百廿七

主牌

一百廿八

主對

一百廿九

耶穌對

見一百廿九張

聖母對

一百三十

聖教雜對

一百三十

聖教匾額

一百三十八

聖教單條

一百三十八

聖會婚姻對

一百四十七

婚姻匾額

一百四十八

聖教喪對

一百四十八

喪事匾額

一百五十一

喪事單條

見一百五十一張

單條

一百五十六

春對

一百五十六

學堂對

一百五十六

米糧舖對

一百五十七

飯舖對

一百五十七

建房對

一百五十七

藥舖對

一百五十八

茶舖對

一百五十八

見一百五十八張

紬緞舖對

裁縫舖對

一百五十八

帽舖對

一百五十八

襪舖對

一百五十九

鞋舖對

一百五十九

靴舖對

一百五十九

木匠舖對

一百五十九

鐵匠舖對

一百五十九

銅匠舖對

一百五十九

錫匠舖對

一百六十

染房對

一百六十

煙舖對

一百六十

剃頭舖對

一百六十

諸匠舖對

一百六十

各舖對

一百六十

聖教禮規卷一

扶助善終小引

聖而公會。仁愛諸行。莫大於體天主仁慈。救人靈魂于凶險。以保永久之生命也。于是凡具仁德。兼有顧人靈魂之任者。如會內族長。及代交代母等。每聞親友。身染疾病。莫待招請。宜以歡心。屢往顧之。時以良言勸之。趁早預備。以得善終。而至死不離其人也。蓋臨終時。實乃危迫之時。而其所有之關係。必至于永遠。況且羣魔此時設諸惡計。以害靈魂。陷于羅網。故

會內之人。不得不謹慎。以防其害。而助佑在臨終者。方得免之也。凡因懈怠而悞此功者。斯人難免逆仁之罪累。可不慎哉。至論扶助在臨終者之法。若時勢得便。須將後開提醒病人之模式。依序力行。然而可知。冷淡之友。難以勝此大任。故凡自務提醒。勉勵病人者。必先深懷慈良。忍耐。與救靈魂。熱切之願。又當求天主光照己靈。灼熱己心。降福己言。賜以明達之恩。以通此書所載善勸之語。經典之意。使其恒嘗其味。而能感動病人之心。如此而行。可以望救其人也。

臨終規條

一、凡顧病人者。如父母親戚會長教友人等。一見病危。必須勉力提醒。預備告解領聖體。及終油。又當速請鐸德靈牧。臨屋料理其事。

一、倘遇病人未曾告解領聖體者。或雖已領之。恐其道理不明。預當講明此諸要理。使病人聽。令其明白。以免冒領聖事之跡。而負其神恩。

一、凡在病危中。未寫遺囑。或歉債賬。或反義害人銀錢者。必須勸之。速速盡己本分。全還所得不義之

財。全補所加他人之害。依王法所定之規分業。並寫遺囑。清還其賬。和睦己家。致己本家人等。因此將無爭辨。而不及遭累。倘若一時身邊空乏。債賬不能清楚。必須吩咐承業諸人。盡力發憤。趕忙清還。勿許遲延。

一。凡在病危中。而與他人不和。或先前大壞善表。而未會補者。亦當將諸善言良語。勸之真心寬恕。恨之害之之仇。且令其仇人依時之宜相見。而實取和。至于大壞善表者。若時勢得便。必須當衆面前

認錯疑悔。定改求恕。倘時勢不宜。卽該親自託付
數人。以通于衆知。其所以顯明認錯悔改之意。
一、凡在病危者。必當囑咐妻子兒女等。囑下之人。禁
之勿以敗俗之邪妄。及浪費銀錢之虛華。辦其喪
事。而又命之以朴素爲本。且應勸之。將祈禱施捨
之功。及彌撒聖祭。扶助其靈魂。而至死不忘。
一、傅終油之際。本屋老幼。當以齊心誦經。哀求天主
降福病人。賜之善領終油。及得善終之恩。卽念五
傷經曰。

耶穌救我的主。爲爾右手之傷。可憐病人。

在天云 申爾福云云 各一遍 餘皆放此

耶穌救我的主。爲爾左手之傷。可憐病人。

耶穌救我的主。爲爾右腳之傷。可憐病人。

耶穌救我的主。爲爾左腳之傷。可憐病人。

耶穌救我的主。爲爾肋旁之傷。可憐病人。

天主依爾大仁慈云云 見卷之三讚誦經

一。傅終油之後。若其病人有兒女子孫現在。宜應召之。恭請病人降福賜祝。如此而行。大有可望。天主

垂允父母之言。降福之時。兒女子孫。皆跪俯伏。恭領父母之祝。至論彼祝語。當是如何。惟隨天主默照父母之心。而卽定之。可曰。

望天主降福爾等。賜以形靈康泰。仁和愛睦。及爾等所需。靈魂肉身之諸恩。望主盡免爾等落于罪。及諸凶惡。恒保信德諸訓。及真道之光。在我本家。至于子孫稠密繁衆。代代奉之。恒持孝敬。待到世末。不絕善根。幸彼與爾等死後。與我相見。而在天堂。同享永福。言畢向其兒女舉手畫十字聖號曰因父及子及聖神之名。亞孟。

一、在臨危之父母。倘有兒女及手下之人等。放肆亂
爲不週道者。降福之先。父母宜當衷心勸之。改舊
自新。

提醒病人發諸善情模式

痛悔

一、吾主天主。至善之主。至尊無對。至高無上。威嚴之大
父。我大罪人。無用之奴僕。穢虫不堪。得罪至極。我于
平生凌辱輕慢爾至尊之位。是我釘死耶穌在苦架
上。是我親腳踐踏耶穌寶血。如今我認錯。痛悔我罪。

望主哀憐。不棄絕我于臨終時。

一、天主施捨與我。平生無數的恩。特意選我。于萬萬異教人中。以奉聖教。而走天堂的路。我實實昏迷。無情負恩。多久丟冷淡。忘記我的恩主。服事魔鬼。走了地獄的路。雖然如此。天主慈悲。未曾丟我。還讓我時候。引我痛悔改過。如今我恨平生所犯。種種罪惡。定心立志。永遠不丟我主。不辜負其恩。日後若病好。實實必要熱心奉主。遵行聖會諸規。離遠犯罪的機會。躲避冷淡之人。與善教友相交。恒心效法他們的德行。

一、吾主天主。無窮美好的大父。至聖至善。萬德全備之純神。萬萬奇妙之寶藏。諸福之源泉。我心所獨愛的。我今羞愧至極。因爲敢得罪于爾。無量仁愛。至誠全神。當敬當愛。當美之主。當讚至于無窮。巴不得我今日實能全補主之公義。因我諸罪。所受了之傷。雖當受苦萬死。爲滿此意。我大罪人。寧願全受。不敢推辭。主。爾明知。將來罪人何如。若罪人此時不死。而又將來。必得罪于爾。望主哀憐。此時加我病苦。收我靈魂。免我日後得罪。凌辱可愛至尊之天主。

一。天主愛我。至于無窮。從無造我。養活我命。保存我靈。免我無數的凶險。如像慈母。恒見抱我在其懷中。認我爲兒女。將其獨子耶穌。送給與我。以救我靈魂。又賜與我。寵愛之天神。恒時護守我。雖我以前。天天凌辱。無比的尊位。未曾罰我。反加其恩。心內勸我多少回數。我都沒有聽。天主加恩。我反加罪惡。天主常顯愛我之心。我反與他爲仇。主待了我。好比捨不得我一般。我前多年。捨了忘記了主。不顧主命。單知道服事魔鬼。世俗肉身。不知奉事天主。不知主的恩。反用

其恩以凌辱之。這個心腸。真真可惡。這樣的行爲。這樣無情之大惡。實實醜陋難堪。可羞至極。這樣的罪都歸于我。明明是我所犯。只得如今傷心惱恨。棄絕厭惡。悖義負恩。種種罪惡。悲淚求赦。雖我不堪。以受些微之恩。賴主仁慈。並靠耶穌救世之功。望主哀憐。赦我諸罪。

一、天主依爾大仁慈。矜憐我大罪人。

一、望天主施恩。不記念我的罪。望主消除我的罪惡。主若詳查橫逆。何能當審判之威嚴。

一、主哀憐爾僕。懇求爾不審問我。因爾面前。我不得見
爲義善。

一、望天主迴容。不見我罪。惟記大仁慈。及其哀矜之豐
盛憐憫我。

信德題目

一、吾天主。我今確信。聖而公會。所信所傳。諸端道理。因
爲都是主。云云

一、天主真實的主。我信爾的道理。望爾扶助我信德所
有之不足。

一、我或生或死。永不敢悖我主耶穌。

一、聖而公會。卽是我母。我甘心願死。在其懷中。至死不離。

一、主所講的道理。句句爲真。天主之言。永不改變。天主之善。永不欺人。天主全智。永不受欺。是故我信天主。聖教諸端道理。並無些微疑惑在心。

一、人死不致永遠。我信肉身之復活。我信常生。 亞孟。

望德

一、吾天主。我今堅望仁主。云云

一、吾魂乎。爲何憂慮。爲何亂我。爾當望主。

一、天主無窮慈悲。定願救我。主之全能。必有能力以降福我。吾主曾施恩。以扶助我。耶穌平生所立的功勞。全是爲我立的。耶穌受苦在世。是爲救我。耶穌死于十字架上。亦是爲我。耶穌寶血。盡流注地。爲洗我靈魂之污。如今耶穌在天。將已五傷顯于聖父。以蒙其恩。寬恕我罪。而息其義怒。吾魂乎。爲何憂慮。爲何亂我。

一、吾專望主。永不羞愧。

一、主耶穌。是我的主保。我的靠望。我的剛勇。全是救我的主。耶穌的功勞。全是我的功。耶穌以己諸功。都給了與我。尙有何恩不施與我乎。

一、我所犯之罪。至醜極重。並爲無數。但天主的仁慈。及其哀憐之心。比我的罪廣大。至于無窮。主。依爾哀矜之豐盛。塗予惡逆。

一、主。因慈悲在爾懷。且爲爾規法。予候望爾。

一、主。我大罪人。全全無德無功。我的靈魂。窮乏至極。特望爾記念耶穌。爲我所做的善。所立的功。我將耶穌

平生的功勞。及聖母瑪利亞。與諸天神聖人聖女。所
有的諸德諸善。奉獻于主。以補我的虧缺。

一、吾主天主仁慈之主。雖我于此臨危之時。不得告解
領聖體等恩。但主知道。我心切願領之。而實在莫可
如何。故我特望主之仁慈。格外施恩。憐憫我所有之
不及。並賜與我告解聖體。及終油之大利益。主爾曾
說過。不願罪人死亡。反又更願其人迴心。而得生活。
主。依爾聖言。望爾救我。全赦我罪。賜我靈魂得生。而
永活于爾。

愛德

一、吾天主。我今專心愛主。云云

一、主。萬美萬善萬福之大泉。我的心獨愛慕爾。獨歡忻爾。獨願享爾。無窮美好的大父。望爾慈悲。充滿我願。

一、吾主天主。仁慈父母。望爾施恩。認我爲兒女。

一、如今我心全離世物。惟願與我主耶穌結合。永不相

離。

一、耶穌是我的美味。我的珍寶。我的靠望。我的歡樂。我的安寧。我的神糧。我的飽飫。及滿我之大全。

一、吾主天主。我願爾名見聖。幸爾至聖之名。顯揚于世。至于普世之人。認識爾。尊敬爾。愛慕爾。而獨順爾至善之意。

一、我生是爲天主。我死亦是爲天主。永遠不相離我主耶穌。

一、望主哀憐。降福寬恕。害我及恨我的仇人。並賜與我。永遠同他們。一路讚美天主。

一、望主赦免我諸罪。如我赦免得罪我諸人。

一、我于平生說話行事。立壞表樣。有傷害于人者。我是

不該是我之錯。我望他們憐恕我過。

敬德

一、至聖聖三。三位一體天主。我尊敬爾。欽崇爾。全心全身。俯伏于爾威嚴台下。我認爾爲萬物之大主。萬恩之根源。我將自己全托爾。以滿爾聖意。而順從爾命。

一、隨主加我病苦。隨主短我生命。收我靈魂。我心實願忍受。以敬主之聖意。

奉獻

一、吾主天主。我將靈魂、肉身、病痛、苦楚、生死、禍福、一切

結合耶穌聖死。奉獻于爾。憑主聖意。管治安排。

一、我今合主耶穌聖心。真情願死。爲天主的榮光。爲合天主的聖意。順天主的命。補我前錯。望主哀憐。賜我得善終的恩。

一、今將我靈魂。交付于主手。

一、我的生命。是從天主借來的。如今天主命我給還此賬。我願于今甘心還之。

一、仁慈之父望爾免我眼前之苦難。若主不願。只望滿爾聖意。不要滿我之意也。

願死

一、主。我在此世。全全無益。我生命愈長。我罪愈多。願主此時收我靈魂。免我加罪惡。

一、我居住在世。時候很長。幾時纔得相離。世上之惡充滿。如何能得安。見世人如此之多。得罪凌辱我的大父母。望主哀憐。命我相離此世。引我與聖母瑪利亞。及諸天神聖人同住。齊心讚美愛主耶穌。而永遠合之惟一。

一、吾主。幾時許我得見爾。至慈至怡的聖面。幾時賜我

親聽爾聲音。幾時賜我將熱切之大愛。密交與主。纔不相離于爾。我望爾速來叫我。我心渴慕于主。

一、主。你造我爲爾。我相離于主。心不得安。望主收納我。今我永遠結合于爾在天。

一、我們在世。有何好處。世上之財難得。得了難保。失了難安。肉身之快樂多歸于醜陋不堪。名位體面。皆屬虛影。惟引驕傲。望主施恩。不以世上之福報我。世上之福不滿意。一切我都丟。特望仁主。加我以天上之財。天上之樂。天上之榮光。我心已足。其餘世物。都不

貪圖。

一、天堂是我家鄉。世上乃是涕泣之谷。及竄流之所。主可憐我。可憐我。幾時竄流之日纔滿。幾時允我得見。可愛可美的家鄉。

一、吾主耶穌。何幸我今日。親耳蒙聽爾聲音說。爾今日同我。並享天堂真福。

順命

一、吾主耶穌順命至死。死于十字架上。我今甘心情願死。爲效法我主耶穌聽命之德。

一、如今我在艱難病苦之中。此乃是天主所命。主我心實願遵行爾命。無毫悖逆。

一、主。我實係死罪之大犯。死千萬回。不設罰我。主之慈悲。叮嚀命我。只死一回。故我順從主命。心甘情願死。以受我的罪罰。

一、五謝禮。云云

見經課十七張

一、奉謝天主。賜我今時害病。令我補贖罪過。以免更重之罰。

一、感謝天主慈悲。憐憫大罪人。在臨終時。賜以告解。領

聖體領終油。聽善勸。死在奉教人羣中。多少教友。比我更熱心的。莫得這宗大恩。

忍耐

- 一、望主傷我。苦我在世。免我死後之苦。
- 一、主可憐我。主可憐我。加我忍耐的德。
- 一、我苦雖重。何敢報怨。我的罪更重萬倍。
- 一、耶穌無罪。先受千百苦難。我大罪人。何以得免。
- 一、依我的罪。所當受之罰。我前多年。該在地獄烈火之中。並無救我之望。我今所受的疼痛。比得地獄疼痛。

麼。天主慈悲。實然寬待我。將永遠之苦。改換變爲暫時之罰。我敢推辭不願受麼。

一、我將我的苦楚。結合于耶穌的苦楚。望主扶助我的衰弱。

一、今我實在行大難路。我所受的痛苦。實實難當。但如此行。更有可望。因此難路。果爲天主所定。卽是天堂的直路。

看苦像

一、主耶穌依爾十字聖架。可憐我。賜我安死在爾懷中。

一、主耶穌。受這樣的重苦爲我。死在十字架上爲我。耶穌愛我如此之多。我以愛還愛。以死還死。全全靠吾主耶穌。

一、望主耶穌。以己寶血。洗我靈魂之污。賜我善終。

一、主耶穌。我欽崇爾。在爾十字架上。我感謝爾。我愛慕爾。我願同耶穌死在苦難中。我于生死。不離我主耶穌。

一、讚美耶穌五傷。望耶穌醫好我靈魂之傷。

一、讚美耶穌口嘗醋膽。我今爲效法我主耶穌。並爲懲

罰我于平生所犯貪餐之罪。願嘗各樣苦味。不敢推辭厭棄。

向聖母

一、聖母瑪利亞。立于架傍。毅然痛然。陪主耶穌。至死不離。望爾仁慈之母。全不離我于臨終時。

一、聖母瑪利亞。聖寵之母。仁慈之母。望爾護守我。免我被仇之害。且收納我于死之時。

一、天主聖母。望爾顯明。爾實爲母。爲我轉達可愛之子耶穌。

一、天主聖母。望爾抱我在爾懷中。免我落于凶惡。亞孟。
一、慈悲之母。望爾迴目憐視我。賜我死後得見可愛之
子耶穌。

向天神

一、聖彌額爾。總領天神。望爾哀憐。趕出邪魔。不致害我。
今將我靈魂。全心托付于爾。望爾引之到天堂。
一、主之天神。護守我者。我全切望專心。求爾指引。保佑
我于臨終時。

向諸聖

一、至榮本名聖人某。望爾轉達天主。加我神力。救我于凶惡。

一、在天充滿真福。諸天神諸聖人聖女。懇懇求爾。轉達天主。爲我大罪人。俾我死後。蒙恩偕爾等同享永福。

○以上所載諸端經文。皆可用之提醒病人。然而當用照時之宜。及病人之地位。不必將此諸端。一時接念。至于苦累其人。而昏亂其心。亦不宜等候靈魂將出竅時。纔提此語。然遇病沉重。可以裁度。病人離死不甚遠。雖係二三日。前此時宜應用之。勸

顧病人者。先當自明經內之意。徐徐誦念。以便知其甘味。而使病人怡然嘗之。又當畧知其人。有何習俗。有何恐懼。被何誘惑。道理明白與否。平素熱心與否等情。而卽選擇經內數端。以對其症。若其病人難以出言。不必使之親口誦此諸端。只得勸之。用心聽念。至于其情。實有感動。而合經文之意。故提此經者。宜當謹慎分明。而不紊雜經內上下之文。且必將其聲音之慈。明顯其心。實知經內之味。倘若時勢不便。或因病急。難以多語提醒病人。

卽時以短切之言。宜應勸之。至少痛悔改過。直發
信德望德及愛德之情。將已生死。甘心托付于天
主。全靠耶穌之功。並以熱切之心。呼號耶穌與聖
母瑪利亞聖名。

助臨終經

臨終之際。顧病者諸人同心合意
哀泣上佑。然後誦經未啓誦前
先取聖水洒病人床及其臥房云

大平于此屋。及凡居之者。主將洒我。以希所薄。我卽
潔。爾洗我。我卽白過雪。天主。依爾大仁慈。矜憐我。
且依爾哀矜之豐盛。塗予惡逆。榮應歸父。及子。及聖

神。永若茲于原始。與今時。及世之世。亞孟。主將
洒我。以希所薄。我卽潔。爾洗我。我卽白過雪。主示爾
仁慈于我等。並施爾救于吾儕。主俯聽我禱。而
我號聲希徹于主。

請衆同禱。至聖之主。全能大父。永活之天主。望爾垂
允我等。從天遣爾天神。護佑眷顧。且又蔭庇。凡居此
屋者。惟爲吾主耶穌基督。亞孟。

○次捧主耶穌苦像。使病人口親。叫他專心仰靠吾
主耶穌之功。切望天堂之福。卽將苦像置于病人

面前令他時常看見而發仰慕耶穌之情此時燃
燭衆人皆跪誦臨終禱文如左。

啟 天主矜憐病人。

應 基督矜憐病人。天主矜憐病人。

啟 聖瑪利亞。

應 諸聖天神及諸宗使之神。

聖雅各伯。

諸善義會。

聖亞巴郎。

應 爲彼祈求。

爲彼祈求。

爲彼祈求。

聖若翰洗者。

十八
爲彼祈求。

聖若瑟。

聖教諸聖古祖。及諸聖光知者。

聖伯多祿。

聖保祿。

爲彼祈求。

聖安德肋。

聖若望。

諸聖宗徒。及福音諸聖史者。

主之諸聖門徒者。

爲彼祈求。

無罪諸聖嬰孩者。

爲彼祈求。

聖斯德範。

聖老楞佐。

主証諸聖者。

爲彼祈求。

聖西爾物斯德肋。

聖額我畧。

聖奧斯定。

諸聖鑒牧、諸聖認士者。

聖本篤。

爲彼祈求。

聖方濟各。

諸聖會修、諸聖獨修者。

聖女瑪達肋納。

聖女路濟亞。

諸聖童身女、及諸聖節婦者。

天主諸聖人、及諸聖女者。

望主垂憐。

望主垂憐。

望主垂憐。

十九

爲彼祈求。

爲彼祈求。

爲彼祈求。

祈主救之。

祈主救之。

祈主救之。

於主震怒。

祈主救之。

於死之險。

於凶死。

於地獄之刑罰。

於諸凶惡。

祈主救之。

於魔鬼權。

爲主聖誕。

爲主十字聖架。及主寤難。

爲主死且葬。

祈主救之。

爲主聖榮之復活。

祈主救之。

爲主奇妙之升天。

爲施慰聖神之恩寵。

於審判日。

罪人。

求主俯聽我等。

望主寬恕之。

主俯聽我等。

天主矜憐病人。

基督督矜憐病人。天主矜憐病主。

祝文 靈魂出竅時接誦如左

基斯當靈魂乎。出離此世。因造爾者。全能天主父之名。因替爾受難者耶穌基斯督活天主獨子之名。因降臨福寵爾者。聖神之名。因諸天神及宗使者之名。因諸聖座及爲主者之名。因諸神宗及諸能者之名。因諸光耀及烈神者之名。因聖教古聖祖及聖先知之名。因諸位宗徒及諸聖史之名。因主証諸聖及聖認士之名。因諸聖會修及獨修者之名。因諸聖童女及諸聖人聖女之名。望爾今日。賴主仁慈。至于太平之所。而住于天堂。爲是吾主耶穌基斯督。亞孟。

祝文

至仁至慈者天主。爾常以哀矜之豐盛。赦免塗滅痛悔者之罪。並以寬恕之仁愛。消除其人。從前所犯種種罪愆。伏望仁主。憐視爾僕某。俯聽其所發。認錯求赦。真切之情。而赦其罪。至仁大父。懇切求爾。醫好爾僕。當先所受因性之衰弱。及魔鬼之哄騙。靈魂諸傷。令其復原。斯僕乃爾所曾贖之人。望主將此敗散之肢。接合于聖會之一體。主寬恕施仁。憐其嘆惜。憐其痛淚。其人並無他望。惟靠爾慈悲。俞允其求。和睦于爾。惟爲吾主耶穌基

斯督。亞孟。

親愛仁昆。我今托付爾于全能者天主。並獻送爾于造爾者。俾因爾死。既還人類。歎主之債賬。復歸于初自土造爾之主。望爾靈魂離肉身之時。蒙恩幸遇天神光耀之會。親來迎爾。望副主審判者。宗徒之羣。臨以護爾。主証奏凱。皎侶來接爾。精認主光明之族來圍爾。極樂童貞之羣。一路伴爾。諸聖教古祖。齊心懷抱爾。在于安樂之地。望耶穌慈良和面。善顯于爾。望主定判爾。永遠居住。在侍衛主神聖之中。俾凡黑暗之恐懼。焰火之切齒。

刑戮之痛楚。爾皆不知。極醜之撒膽。與其惡黨諸役。悉退讓爾主之天神。引送伴爾。爾臨之際。魔鬼畏伏。投奔永夜穴中。今望天主。興作施威。敗散其仇。而恨之者。逃竄咸避其面。如烟失散。如蠟見火。卽化。罪人若然。將亡于天主面前。而義德之輩。將宴飽飫。將踴歡慶于天主面前。因此地獄羣卒。俱當羞慚。服事撒膽之役。弗敢阻止爾路。伏望基斯督。昔日爲爾鈔于苦架者。救爾于困苦。伏望基斯督。甘心爲爾受死者。救爾於永死。伏望基斯督。活天主之獨子者。置爾於天堂華美秀景之所。望

此眞實靈牧。認爾爲羣內之羊。望主全赦爾罪。望主立爾於其右邊。安定爾在選者中。俾爾親眼得見贖爾之主。恒時侍於其側。且以禎福之眼目。明覩最顯之眞實。幸爾安居聖羣之內。而嘗其甘飴。至於無窮世。 亞孟。

祝文

望主收納爾僕。而安置之於得救之所。其乃獨靠主之仁慈望之。 亞孟。

望主救爾僕靈魂。離諸地獄之險。刑罰之羅網。及諸災難。 亞孟。

望主救爾僕靈魂。如昔曾救諾厄及厄列二聖。於世之公死。亞孟。

望主救爾僕靈魂。如昔曾救諾厄於洪水。亞孟。

望主救爾僕靈魂。如昔曾救聖亞巴郎於加豆吳耳之地。亞孟。

望主救爾僕靈魂。如昔曾救聖若伯於其困苦。亞孟。

望主救爾僕靈魂。如昔曾救依撒格於祭品及其父亞巴郎之手。亞孟。

望主救爾僕靈魂。如昔曾救聖洛德救鎖多瑪及烈火

之焰。
亞孟。

望主救爾僕靈魂。如昔曾救聖美瑟於厄日多王法老之手。
亞孟。

望主救爾僕靈魂。如昔曾救聖達聶耳於猛獅之鬪。

亞孟。

望主救爾僕靈魂。如昔曾救三聖童子於烈火窟及虐

王之暴。
亞孟。

望主救爾僕靈魂。如昔曾救聖女蘇三納於妄証之辱。

亞孟。

望主救爾僕靈魂。如昔曾救聖達味於撒烏王。及惡利亞之害。亞孟。

望主救爾僕靈魂。如昔曾救聖伯多祿及聖保祿二位宗徒於囚禁。亞孟。

又如爾曾救童身主証女聖德格辣於三酷刑。望主亦然。屑救爾斯僕之靈魂。賜之偕爾同享天上之福。亞孟。

祝文

主。我等今將爾僕某靈魂。托付於爾。救世主耶穌基斯

督。望爾記念。爾昔從天降來。以施仁慈。而救其人。祈主
哀憐。收之於爾諸聖祖之懷。求主認爾所造之工。其人
並非塑偶邪神所造。實係爾惟一。永活之天主。及真寔
之神。所造之物。蓋主之外。並無實神。且爾所造之工。必
不能有相比。望主賜伊靈魂。歡樂于爾面前。幸爾勿記
其生平所犯。迷惑等罪愆。或係私欲之暴忿。或偏情之
烈火。所招來的。雖彼犯罪多端。尙未悖父子聖神。三位
一體。其乃已具誠信。並懷於心。愛天主之德。而以忠心。
恒常欽崇造萬物之天主。 亞孟。

祝文

仰惟吾主。恕其少齡之過。及其無知之罪。主。依爾大仁慈。記念之。在爾光輝榮美之所。望天門開。以收納之。望諸天神。齊慶賀之。懇求仁主。接引爾僕。進入爾國。因建巨功。蒙主恩惠。立爲天上軍旅之元帥者。聖彌額爾。天主之宗使者。請臨收之。天主之諸聖天神。請降迎之。送到天上柔撒冷城內。幸蒙天主特恩。付以天國鑰者。聖伯多祿宗徒。請來接之。蒙主寵愛。堪做選擇之美器者。聖保祿。請來扶佑之。蒙主弘錫。賜以明知天上暗晦之

情者。聖若望。天主特愛之宗徒。爲彼代求。蒙主交付赦
留諸罪之權者。諸聖宗徒爲彼祈主。凡爲基斯督之名。
受患難在世諸聖。及天主所特選者諸位。爲彼轉達。俾
其已脫肉身之拘繫。賴吾主耶穌基斯督之恩錫。至於
天國。永享主榮。其乃偕父偕聖神。永活永王。及世之世。
亞孟。祝文念畢。病人自己。或願病者。代伊向吾主耶穌誦經如左。
啟基斯督。我敬拜爾。並祝頌爾。應蓋用爾十字聖架。
以贖普世。

請衆同禱。天主。爾爲救世人。甘心自願降生爲人。受

古割損之禮。被如達國民棄爾之侮辱。被賣爾者。如答斯奸徒。以親愛禮。付爾於惡黨。被網綁聖身之輕踐。如純良羔羊。送爲犧牲。凌辱解送亞納。蓋法比辣多。黑落忒前。被妄證誣告。被重鞭打。及萬般苦辱。唾口津於爾聖面。戴以茨冠。被惡人掌打。擊以竹竿。以布掩目。脫爾衣服。釘於十字架上。懸墜於苦架。置於二盜中。被嘗醋膽。及傷以鎗穿。主爲斯爾諸聖患難。我今所記念者。且又爲爾十字架。及爾聖死。懇切求主救我。若他人代病者誦。那時當云。

救爾

僕某。於地獄刑罰。賜彼天堂。昔所賜者與同釘之右盜。爾乃偕父偕聖神。永活永王及世之世。亞孟。

接念至虔至益臨終祝文

天主矜憐病人。 基斯督矜憐病人。 天主矜憐病人。

在天云云

申爾福云云

請衆同禱。 主耶穌基斯督。我今靠爾。在阿里瓦山。所受臨危之至苦。賴爾血汗流之時所發虔心之禱。爲救我等。求主將爾徧體。因怕懼之迫切。特爲我等。所滿流汗血之多。奉獻明示於爾全能者天主聖父。爲

洗爾斯僕。某所染種種罪污。望爾救之。於此臨危之時。免其因罪所怕。當受諸苦諸刑。爾乃偕父偕聖神。永活永王天主。及世之世。亞孟。

次念天主矜憐病人。基督督矜憐病人。天主矜憐病人。
在天云云 申爾福云云

請衆同禱。主耶穌基督。屑爲我等。死於十字架者。我今求主。將爾爲我卑賤大罪人。在苦架上。所被之傷刑。及爾至聖靈魂。特離聖軀之時。所受艱難諸苦。奉獻明示於全能者天主聖父。爲洗爾斯僕某。所染

種種罪汚。望爾救之。於此臨危之時。免其因罪所怕。當受諸苦諸刑。爾乃偕父偕聖神。永活永王天主。及世之世。亞孟。

再念天主矜憐病人。基斯督矜憐病人。天主矜憐

病人。在天云云 申爾福云云

請衆同禱。主耶穌基斯督。爾用先知之口。昔有語云。我以永仁。曾戀愛爾。故而慈憫。已挈扯爾。我今求主。將彼扯爾。自天降世。受諸窘難之仁愛。奉獻明示於全能者天主聖父。爲洗爾斯僕。某所染種種罪汚。望

爾救之。於此臨危之時。免其因罪所怕。當受諸苦諸刑。望爾救其靈魂。於此去世之時。求主爲之啓開常生之門。賜之與爾諸聖同樂。在永遠之榮中。吁。至仁至慈主耶穌基督。以爾寶血贖人之主者。懇求哀憐爾斯僕某靈魂。引之至於天堂。恒美恒樂之所。俾其以不能離爾。及爾選輩之仁愛。永遠得生於爾。爾乃偕父偕聖神。永活永王天主。及世之世。亞孟。

靈魂出竅時。切忌不要當面流淚。大聲哭號。致亂其心。都該下跪。哀泣主佑。臨危之人。若能吐言。務必叫

他誠心向主。呼耶穌聖名。若他不能侍立一人。代他
朗聲連三呼曰。耶穌救我。耶穌救我。耶穌救我。
又向耳邊可以數回提醒。今將我靈魂。交付于主
手。聖瑪利亞。爲我所求。聖瑪利亞。恩寵之母。仁慈之母。
望爾護我於惡仇。並收納我於死之時。

後文 靈魂離肉身後卽誦

天主之諸聖。請臨助之。主之天神。請降顧之。接其靈魂。
共獻於至尊座前。啟昔召爾之基斯督。及諸天神。攜爾
至亞巴郎懷中。應接其靈魂。共獻於至尊座前。啟主。賜

伊永寂。應而恒光照之。共獻於至尊座前。啟天主矜憐
亡者。應。基斯督矜憐亡者。天主矜憐亡者。啟在天我等
父者。云云。其餘默念。啟又不我許陷於誘惑。應乃
救我於凶惡。啟主。望爾拯救其靈魂。應於下獄門。啟望
伊安息。應亞孟。啟主俯聽我禱。應而我號聲希徹于主。
請衆同禱。主我等將爾婢僕某靈魂付托於爾。俾其已
死於世。蒙恩得活於主。望主至大仁慈。拭潔其因人
情世務所犯諸罪。惟爲吾主耶穌基斯督。亞孟。

念畢。衆洒聖水云。

望伊息止安所。亞孟。

聖教禮規卷二

葬喪禮節

一、凡基斯當已死，未入殮之前，宜在堂屋中間，設一長板，板上鋪毡一條，或臥單一幅，備就置屍，龔更素淨衣服，不得虛華，俱依亡者素處職分，將木十字架，與亡者兩手捧于胸前，若無十字架，或以雙手架如十字亦可，卽抬屍置于已備之板上，勿遮面容，若彼亡者，係鑒牧鐸德，則其面容向廳房門，其餘諸色人等，面容必向祭臺，足下放聖水一瓶。

及其刷子，兩旁置黃蠟燃燭一對，凡係敗俗所用清油燈盞、白蠟等燭，因其相似異教之行，皆不可用。屍已安妥，卽誦 主予自深幽籲號爾 云云。

一百二十九聖咏見暮課卷二

接誦 天主依

爾大仁慈，矜憐我。云云 見卷三讚頌 又接念煉

獄禱文，與祝文，經完，各洒聖水。

一、自茲以待入殮之際，須分三時而念三台，一台可誦日課內所載暮課經，二台可念夜課經三節，末次卽念日課讚頌經，各台當依時宜而誦，暮課之

時在午後夜課三節從日沒起讚頌課宜誦早飯前如人希少或不識字者可誦玫瑰經或此書內所載讚美經而分三台亦然首一台前當念

天主依爾大仁慈云云二台前即念公審判

詞

見讚頌後

三台前必念

主子自深幽籲

號爾

云云

接念

求主救吾於永死

云云見讚

頌前

各台念畢即誦

煉獄禱文並念祝文經

完各洒聖水

一入殮之時宜誦

天主依爾大仁云云

主子自深

幽籲號爾。云云。公審判詞。煉獄禱文。祝文。

經完再洒聖水。抬屍入棺。加蓋下釘。

一、自入殮以後。到開弔及葬喪之時。不宜甚延日子。恐似異教之謬。倘有極重之緣。可以緩延數日。彼日宜當照人多寡而識字者。念誦亡者日課。或玫瑰經。或讚美經。而每日分定三台。如未入殮之前。一般。

一、開弔之日。當置棺柩于誦經堂中。停棺依上規式。面容向祭臺。棺柩週圍放黃蠟燭數對。脚下置聖

水一瓶，與刷子一枝，天主祭臺中，立一木十字，左右燃黃蠟燭數對，事備，請衆爲新亡誦經，經分三臺，卽係大衆通功所念，午時後，可念課內所載日暮經，黃昏之時，或夜間，連誦夜經三節，早飯前，念讚頌經，公禱之外，倘有餘時，宜應分行班數，以誦玫瑰經，或讚美經，一班惟誦一台，念畢，二班相接誦第二台，三班亦然，誦第三台，其餘後班，輪次依序復念，致于自開弔之日起，待于棺柩下窆之時，或係大衆，或係班數所念，總宜無有時而不誦也。

一出喪之時。大衆誦念。求主救吾于永死。云云。

接念。望諸天神。攜爾至天堂。主之証侶。于爾臨際。引爾入聖府。柔撒冷。天神之會。臨以接爾。幸爾偕辣匝落。蘇貧乏者。共獲永安。

次念。主予自深幽。籲號爾。云云。

啟。天主矜憐亡者。應基斯督矜憐亡者。天主矜憐亡者。啟。在天我等父者。云云。其餘默念。啟。又不我許。陷于誘惑。應乃救我于凶惡。啟。主拯其靈魂。應于下獄門。啟。望伊安息。應亞孟。啟。主俯聽我禱。應而我號。

聲希徹于主。

請衆同禱。

主慨然赦宥爾

婢僕

某靈魂。使其已死于世。

卽活于主。凡其因人情世務所犯諸罪。賴爾至大仁慈。望爾拭潔之。惟爲吾主耶穌基督。亞孟。

末念。望伊靈魂。暨衆先亡。信輩靈魂。賴天主仁慈。悉獲安靖。亞孟。
念畢隨卽起棺

一、送喪之際。執事者使衆班次如左。

一、聖水一瓶。與刷子一枝。二、十字架。三、十字架左右二人。各執燃燭一支。四、領經士。分列左

右。二人並行。五。棺柩。六。棺柩左右。執燭數人。二人並行。七。孝子孝眷。以上數人。各執燃燭。各依其序。勿致錯亂。八。送喪衆友。隨後默禱。領經諸士。分列兩班。一啓一應。齊聲朗誦。

一。起棺出門。必誦第五十聖咏。照常念之。不可與每段參誦別文。題殘屈骸骨。聖咏。天主依爾大仁慈。云云。倘路遙遠。可以另誦別經。隨領經士自擇。預須商議約定。

一。抬棺到墓。大衆誦念。殘屈骸骨。將舒躍于主

接念望諸天神。攜爾至天堂。云云見三十一張

次念天主之諸聖。請臨助之。主之天神。請降顧之。接其
靈魂。共獻于至尊座前。啟昔召爾之基斯督。及諸天
神。攜爾至亞巴郎懷中。應接其靈魂。共獻于至尊座
前。啟主。賜伊等永寂。而恒光照之。應共獻于至尊座
前。啟天主矜憐亡者。應基斯督矜憐亡者。天主矜憐
亡者。啟在天我等父者。云云其餘默念。啟又不我許
陷于誘惑。應乃救我于凶惡。啟主拯其靈魂。應于下
獄門。啟望伊安息。應亞孟。啟主俯聽我禱。應而我號

聲希徹于主。

請衆同禱。

主。慨然赦宥爾

僕

某靈魂。

云云見三十三張

念畢隨即抬棺下窆此時並題

子乃復活

接念祝兮天主依臘爾之主。云云和誦子乃復活。及性

命也。

云云見讚頌末

啟

天主矜憐亡者。應基督督

矜憐亡者。天主矜憐亡者。

啟在天云云

如前

請衆同禱。

懇祈吾主。恩釋爾

婢

某靈魂。脫諸罪綫。俾

于復活之榮。與爾列聖。及預選者。甦獲舒泰。惟爲吾

主耶穌基督督。

亞孟。

末念望伊靈魂。暨衆先亡。云云。經畢洒聖水壘墳衆遠
離墳地孝子叩謝諸賓。後默禱歸家。

安葬幼童禮節

每遇領洗嬰孩幼童。未省人事而卸世者。既依年
紀服以美衣。尙宜採鮮花香草。編成花冠。使頂于
首。未入殮前。可置于堂中。燃燭數對。不遮其面。各
洒聖水。而誦經如左。

題主名應祝。

聖咏第一百一十二

幼童請讚主。請頌主名兮。主名應祝。自今迄永兮。
自旭日直至落處。主名應讚兮。主乃巍巍于萬民上。
厭榮現諸天上兮。誰如吾主天主。居上而顧天地間
之卑微者兮。自地拯空乏。而自糞起貧賤者兮。欲
置之偕諸宗。偕厥氓之諸宗兮。使荒胎者居室。而爲
樂多子之母兮。榮應歸父及子及聖神。永若茲于
原始。與今時。及世之世。亞孟。
和誦 主名應祝。自今迄永。
題福哉無染。

聖咏 第一百一十八

福哉。無染于道。遊于主律者兮。福哉。考厥証。而以全
心覓之者兮。蓋行橫逆輩。非遊厥道者兮。爾已降
諭。謹守爾諸誠兮。期直我路。以守諸義兮。予既徹
爾誠。使弗赧却兮。予將具直心。以認揚爾。緣吾素習
爾義案兮。予將守爾義。切勿永遠棄予兮。少齡者
由何改已途。惟因守爾言兮。予具全心。已訪問爾。勿
撤我離爾誠兮。我曾以爾言。藏于吾心。俾予勿致獲
罪于爾兮。主乃受祝者。訓吾以爾義兮。曾以吾唇。

已述爾口諸義案兮。我已悅爾証道若樂于諸財兮。

我將演習于爾義。且將忖爾路兮。于將默識爾義。

前弗忘爾言兮。榮應歸父云云。

和誦福哉無染于道。遊于主律者兮。

題斯將受祝。

聖咏第二十三

輿地與其全實園球。及凡旅之者。統屬主物兮。緣主

建定厥基于滄海上。而錦繡之于諸江上兮。誰將登

主山。誰將侍立厥聖所兮。素行無辜而心淨。弗空其

所領之生命。且矢不欺近己者兮。斯將受祝于主。將
蒙救己之天主憐憫兮。凡求謁主。求謁天主。求謁雅
各之主聖容者。惟斯種也兮。請衆鉅宗。擎爾諸門。且
凡永戶。悉宜啓舉。而榮光之君。將進焉兮。斯榮光之
君爲誰哉。斯乃強能兩全之主。當陣之雄主兮。請衆
鉅宗。擎爾諸門。且凡永戶。悉宜啓舉。而榮光之君。將進
焉兮。斯榮光之君。爲誰哉。斯乃德能之主。卽榮光之
君兮。榮應歸父云云

和誦斯將受祝于主。將蒙救己之天主憐憫。蓋求謁主

者。惟斯種也。

啟。天主矜憐我等。應。基斯督矜憐我等。天主矜憐我等。啟。在天我等父者。云云。其餘默念。啟。又不我許。陷于誘惑。應。乃救我于凶惡。啟。特爲無辜。爾已收我。應。且永穩我于爾前。啟。主俯聽我禱。應。而我號聲。希徹于主。

請衆同禱。全能至良之天主。凡因聖洗而再生之幼童。離斯世際。雖其無毫本功。主卽賜以永生。如我信爾。今朝施及斯孩之魂。茲賴卒世童身福瑪利亞。暨

爾諸聖之代祈。恩賜吾儕。在世清心奉敬主。後至天鄉。與衆福童。永獲爲伴。惟爲吾主耶穌基督。亞孟。

聖幼童時誦

題幼稚與童女。

聖咏第一百四十八

請衆自天讚美主。云云 見卷之三讚頌末

和誦幼稚與童女。耄耄與幼艾。俱宜讚主名。

啟 天主矜憐我等。應基督矜憐我等。天主矜憐我等。啟 在天我等父者。云云 其餘默念 啟 又不我

許陷于誘感。應乃救我于凶惡。啟爾等可容小子來就予。應緣天國屬斯輩。啟主俯聽我禱。應而我號聲希徹于主。

請衆同禱。全能永活。寵愛聖潔之天主。今日爾已恩招斯孩之靈魂。赴于天國。懇爾若然憐恤我等。庶藉爾至聖之苦難。並賴卒世童身福瑪利亞。及爾諸聖之轉達。恩賜吾儕。幸底天國。偕爾諸聖。與主選輩。共沐永慶。爾偕天主父。及聖神之合一。乃活乃至天主。于諸世世。亞孟。

經畢抬屍入窆而壘之即洒聖水壘之以後接念

題主攸選輩。

三聖童歌

主之諸工。請祝頌主。並讚並舉之于世世兮。主之天神。請祝頌主。在上諸天。請祝頌主兮。天上諸水。請祝頌主。主衆德能。請祝頌主兮。日也。月也。請祝頌主。天上諸星。請祝頌主兮。空中雨露。請祝頌主。天主之諸靈。請祝頌主兮。火也。熱也。請祝頌主。寒也。暑也。請祝頌主兮。露也。霜也。請祝頌主。凍也。冷也。請祝頌主兮。

水也。雪也。請祝頌主。晝也。夜也。請祝頌主兮。明也。暗也。請祝頌主。閃電。雲霧。請祝頌主兮。坤輿全球。請祝頌主。並讚並舉之于世世兮。山岳丘陵。請祝頌主。地載諸萌。請祝頌主兮。諸水泉也。請祝頌主。滄海江河。請祝頌主兮。鯨與水中活動鱧鱗。請祝頌主。天上飛禽。請祝頌主兮。諸獸畜牲。請祝頌主。屬人諸子。請祝頌主兮。依臘爾民。請祝頌主。並讚並舉之於世世兮。主列鐸德。請祝頌主。主衆僕役。請祝頌主兮。義輩靈魂。請祝頌主。聖與謙輩。請祝頌主兮。亞納轟與

亞匝列及彌匝爾。請祝頌主。並讚並舉之於世世兮。
請衆共祝。父子偕聖神。並讚並舉之於世世兮。主爾
於天之堅基。乃爲祝。並可讚可榮。並爲舉於世世兮。
和誦主。攸選輩。請祝頌主。作喜樂日而認揚之。

請衆同禱。天主爾以奇妙序。析別天神。與人類之職。
祈賜吾儕。俾恒侍爾于天上者。降斯塵世。衛護吾命。
惟爲吾主耶穌基督。亞孟。

倘有不識字者。或人稀少。則念爲亡者嬰孩讚美
經。見經課一百九十一張

爲亡者獻彌撒之時。當照經本之序。見經課七十四

聖會喪事禁條

一、凡會內病重臨危之人。未落氣前。不可使之洗浴。更換衣服。恐加其苦。致之速死。並亂其心。斯時惟以虔禱。短切善言。勉其心志。以慕善終焉。

一、凡屬纊。即以新繇花塞其耳鼻。以俟氣絕。或楔齒。即用筋橫入口中。使口不合。或放銀定口。俱屬邪妄。

一、論衣先亡之禮。切勿落於邪妄。及敗俗所興之謬。

如褻手巾在其腰上。置烟袋一根與其烟包在棺內。等虛僞無根無憑之妄。惟可將素淨之服衣之。不得虛華。俱依亡者素處職分。倘若干茲。實有不明之禮。恐沾乎異端。切勿用之。

一、凡宗廟祠堂。或他堂內。行敬祖先。或他先亡之祭。供獻等禮。信輩概不許行之。而不拘何如。並不許助。亦不許與之。

一、此等之禮。與夫祭獻供設等。或在各家庭中行之。或在祖先墓前。或在其牌前。且又雖此等牌。並無

異端字樣。不問是私行。或與異教人共行。或助或與之。一概革除。

一、凡屬靈牌魂魄。靈狀等項。都不容設。亦不許存留之在家。

一、凡屬追思先亡之牌。銘旌字式。雖並無牌位神主等異端字樣。雖其單書新亡姓名。雖其表白聖會公信。以待先亡如何。一概不許。亦不容之。

一、凡棺柩前。或棺柩側近。棹上酒飯穀饌。茶菓香物等件。俱不得擺設。

一、凡在靈牌。或在屍柩前。叩首下禮。而行世俗所稱
磕頭者。並屬異端。此時孝子人等。不論何故。不但
不得還謝其拜。而不得與之。尙且主喪與衆執事
者。大有本分。竭心努力。使諸善法。以阻其事。若其
奉情。或許。或不盡力阻之。天主臺前。與行之者。勢
必同罪。其餘凡屬誅文讀讚等語。一並革除。而葬
喪堂中。亦不許。亦不容之。

一、凡在靈牌前。或棺柩之所。行禮上孝。此處信輩。不
得領之。倘于別處散帛。則可下禮。謝而收之。

一、凡孝子承服。容之獨用孝帕。孝衣。麻帶白鞋而已。其孝衣。不得與和尚之衣相同。穿之之法。必于異端邪樣。離開甚遠。是故敗俗所用。孝杖。麻冠。塞耳等件。一概禁革。

一、凡遇異教人。送與信輩。香。燭。紙錢。祭文。壺盒。三牲等件。與異端邪妄相涉者。信輩斷不可收之。

一、凡信衆喪事場中。遇異教親家女壻親眷孝友人等。欲送猪羊。當祭做禮者。務必告之。勿祭此物。而嚴以革之。若其強行祭禮。則不許信輩收用此物。

待賓。倘禮完畢。其物仍在。而異教者。全不顧之。卽可將之。施捨濟貧。

一、凡遇喪事。不論何故。信輩不能隨從。孝會之邪俗。送渾猪活羊。以做祭品用。或送香燭。紙錢。壺盒。三牲等項。以助異端之費。皆不可送之也。

一、凡遇開奠之酒。信輩以信德之訓。及聖會所定之嚴規。不論何故。不拘何情。不可與之。亦不可送禮助之也。聖會宗牧。已定此酒。爲異端之席。敬靈之酒也。

一、凡喪事場中。鑼鼓號銅。吹彈樂器。等具之用。皆不合居喪之哀。大阻信輩之虔禱。而獨係敗俗所用。以爲鬧喪喧譁之大亂。信輩不可不戒。

一、凡遇喪事場中。或燃火炮。或放烟火等項。皆屬虛幻一然。而實係哀禮所不容者矣。

一、凡遇喪事場中。不許擊鼓鳴金。吹號奏樂。總而言之。凡屬吹手之藝。概不許行。

一、凡遇喪事場中。欲寫對聯詩句。告白訃聞等字。切勿隨意作之。當依喪事禮書所載照寫。不可自專。

改之。

一、凡信輩設立碑文於墳墓前。永存爲記。眞係堪羨。然而異端邪妄。或與異端相近。各等字眼。與夫碑上。雕刻龍鳳日月太極。或用烏龜蓮花爲座等形。一並革除。以免此危。凡欲設立碑者。務必照喪事禮書所定之式而立。不可任己私意。另自裝作。若彼先亡。寔係聖教之徒。宜於其碑額雕刊十字。以爲信輩之號。

一、凡遇喪事場中。送祭上祭。或行讀祝等。屬異端之

禮。此時信輩。不能接祭。亦不得合衆舉哀。

一、凡舉哀流淚。慎勿過節。更不宜發怨讟之詞。雙足躍踴。撞頭磕腦。等狂怒之形。

一、凡遇信輩。或異端者。葬喪之禮。勿寫勿言。開奠之語。只許書寫。開弔二字。

一、凡遇信輩。葬喪之事。不宜於異教人前。公行聖葬之禮。倘若不便。以躲其人。卽當將諸善言及書內所載告白等字。明示伊等共知。聖會之公信。論亡者之靈魂。何如。俾觀聞者。是非明辨。

一、凡先亡苟寓世際。未由正道。或會棄正崇邪。而卸世者。不可爲彼誦經點蠟。而照聖葬之禮葬之。只宜依本性之法。殮之葬之而已。其餘敗俗虛僞故套。全不可行。慎之戒之。勿致詔容人情。而投邪魔之羅網。其害不淺矣。

一、凡遇異教者。做道場。還愿。修燈除靈。行各等邪妄之謬。此時信輩。不可容情。赴其酒席。借其家具。出銀幫助。送禮慶賀。絲毫勿從。

一、凡遇異教者。下計聞請聖教之友。以賜光顧。信輩

切勿自欺。而虛靠己德。預當嚴查。時勢何危。倘有凶險。恐沾乎異端。此時何敢自投其中。寧可推諉借故。願招本家之怒。不可放縱自行。而招天主之重罰。

一、凡喪事之資。務以聖會朴素爲本。勿至過節。爲亡者祈禱。施捨克己。與獻彌撒聖祭。四者最有益於亡魂。此外如喪事之繁華。擺設之美麗。親朋之羣衆。墳墓之雅觀。酒席之旨味。皆立以圖虛讚。寔與亡魂全全無益。幸與生者無有其害。

一、勿開普孝。蓋此等行事。不過爲逞驕傲虛奢。枉費銀錢。以致子孫受窮受困者。不乏其數。況與亡者全無有益。縱有寬餘。當爲亡者施捨濟貧。若然亡者大有利益。而生者之功亦不少矣。

一、凡出殯前夜。大哭喊叫非常。俗謂鬧喪者。俱屬邪妄。不可通之。

一、凡停棺不順機早葬。本係異端邪妄。亦屬人情所厭。切勿行之。

一、凡墳地故宜擇其乾土。若夫風水陰陽地理等謬。

皆屬異端邪術。慎勿信從。

一、凡異教者。喪事場中。信輩預知。或可裁度。抬喪之人。要做異端或幫助之。不可同抬。

一、信輩遇新春時。及清明節。不得從俗詣己墳山。爲其先亡祈禱上祐。當遵聖會所美之規。卽在復活瞻禮第八日後。或在追思先亡諸信瞻禮日起。待到後八日止。或在他日。不與異教之日同亦可。

一、凡遇追思先亡之日。墓上誦經祈禱。只可立誦。不宜跪念。此時不可燃燭。不許磕行頭拜。不許在於

墳塋。設酒飯等件。以敬先亡。或以待客。各色紙條。一切墳標。皆不許掛。若墓左右。斬草起土。各補敗缺。理所當然。聖會美之。

一、凡信輩壘墳。萬不得隨俗。緩待葬喪後。三日已滿。纔始壘之。因此可知。棺柩下穿。經典畢。卽時壘墳。宜也。

一、凡遇遷移已葬棺柩之緣。切勿自專起棺。而葬於別處。恐有私弊。及壞善表之端。預當稟明本處靈牧。嚴查其故。垂允其事。指其遷移正法。纔可爲之。

一、凡遇異教者。欲買陰地。而因其妄思。某信輩之土。實係福地。故而求買。此時信輩。若總不順異端。而並無謀議此事。即可賣之。以爲墳地。至論定價。不可依敗俗。妄信異端之言而定。只許要價。猶如其地。並無福地之稱。乃爲平常之地而已。倘若過取。必速退與買主。

一、葬喪堂中。起棺行路。過橋等處。或抬喪者。歇氣之際。此時孝子人等。不能叩首下禮。或跪下以候之。或磕頭以謝人。

一、開弔之日。在於門外。不可明掛白布綾綢。紙流等。幡。以做表記。而通衆明知此日。

一、論異教喪事之禮。異端邪妄。筆舌難盡。雖其多有未載此禁條上。因此勿思聖而公會。不嚴除之。可知聖會之命。及聖會之意。總歸二端。不可易者。

一、凡於中華異教者。所用敬祖父先亡諸禮。諸典。不拘何行。凡有與異教人。敬先亡之禮相似者。因其果係異端。或與異端相似。而即極少大有憑據。可疑是否。故斷不容之。則凡信輩。不論何故。一一決

不可行。

一、聖會所定葬喪之禮典。不惟可行。以助先亡諸信輩。尙且聖會。勉勵信衆。而又特命恪遵此禮。而漸習之也。

○聖會喪事規條

一、凡諸信輩已死。主喪事者當依聖會全理而辦。若其無勇。畏俗奉情。而難立志。以禁敗俗諸禮。斯時不許信輩臨喪賜顧。

一、凡在停屍之堂。或於開弔之際。停柩之所。設席飲

酒。接客行拜。閒談笑語。喫烟玩耍。皆不合理制。不可不戒。

一、凡停屍柩之處。若得其便。必須恭迎鐸德。赴於此處。奉獻彌撒。爲新亡之神益。倘路遙遠。此時不必接之。

一、凡諸信輩。來臨喪者。預先宜至柩前。洒聖水於屍云。望伊息止安所。亞孟。次跪祭臺下。爲彼亡者祈求。禱畢。卽與再洒聖水。然後退于客堂會賓。一、雖聖而公會。並無擇日之理。以定入殮之期。然因

可怕其人似死而實爲生者。故而立規。以免害人之端。凡因病而似爲故者。不拘大人嬰孩。皆在其內。必俟六個時辰已滿。纔行入殮之禮。凡遇大小而猝死者。必俟十二個時辰已足。方可抬以入之。倘若其人身腐臭難當。如死屍之臭然。此時因其果死無疑。就可速殮。

一、凡散孝帕。及收禮儀之所。不得與停柩之所同處。客堂亦必另設於外。至於並無拜喪之危。

一、誦經之時已至。孝子承服。端莊出帷。至於客堂。此

處。可以叩首謝賓。請諸信輩。爲彼亡者誦經。遂與前行。引至於柩前。先洒聖水云。望伊息止安所。亞孟。又將刷子。照序交與信輩洒之。亦然洒畢。皆跪於祭臺前。依禮典書內所載。通功念經。男女不得紊雜誦之。經畢。孝子起洒聖水。信輩隨之。如是而行。洒畢。孝子引諸信輩。詣於客堂。而在此處。叩首謝之。亦可。不許孝子。下禮謝客。在停柩之所。一、公共誦經之際。倘人之數繁衆。不宜各人另洒聖水。先行一二十人。洒之足矣。

一、公共誦經之時。凡諸信輩。來臨喪者。一一當至。不許信輩。此時在外。喫烟喜笑。談閒話。如似異教然。此乃深傷乎理。不合欽崇。大壞善表。而于信德大有碍也。若彼執事者。講理者等。辦緊要之務者。一時而不能至。理可容之。

一、途中恭迎十字。送喪唱經。執燭行路。當依時宜而爲。倘若時勢不便。可將送喪。與夫安葬之經文。於未起棺前。全誦堂中。一一念畢。不拿十字。不執燃燭。惟以默禱之功。隨侍孝家。送喪到墓。皆不違規。

一、凡遇信輩喪事。各處信輩。以滿仁心。並以廣揚聖教之實。宜應多至。倘若孝家貧窮。各依本力。宜帶黃蠟燭一枝。以便助之。

一、凡遇信輩喪事。務須信輩抬棺。以便誦經。途中慎勿慌忙急步。朗聲喧喊。縱或用力不及。只可低聲使知。以免失序。又當靜心端莊。記憶深念。其所負之屍。乃耶穌之肢體。及聖神之殿。所遺留之跡矣。一、喪事場中。總不設酒席。美也。幸也。蓋依斯行。則免好饗之尤。又免教外之人送肉。以爲祭祀焉。況此

等之席。於弔禮不宜。但若以減節薄素而設之。不在禁內。

一、喪期已過。勿思孝道已滿。葬喪之後。素常必憶先亡。而以虔禱之功。恒常助之。雖彼虔禱之功。日日宜行。然另有數日。聖會所定。而此日誦經。最能益於亡魂。其日卽是死後三日七日。滿月週年。其義載於喪禮問答內。各有其解。

一、若無感動褻瀆聖教之危。每信輩墓上。宜豎十字。或以石。或以木爲料。然於架上。不論何故。慎勿或

貼或掛紙等件。

一、凡信輩已死。必然即速。或寫或刻通功單。通傳本省。各處教友。以便信輩皆知。而助亡者焉。領此單者。每日念晚課時。宜誦天主經與聖母經各一遍。而依亡者之職位。可定日數如左。

一、爲教宗。宜誦一年。爲本處鑾牧。誦經九月。爲本處神父六月。爲在本省而顧別處之鐸德三月。爲本處會長一月。爲平常信輩七日。倘若單子接得有多。不必照數重經而念。一日一回。念而通之於衆。

可也。

一、凡遇教友之嬰孩。未曾領洗而卸世者。不可以聖教之禮葬之。只可以本性之道而辦其喪。若遇嬰孩領洗之後。未省人事而死者。當依書內所載之禮節而葬之。但於此時。不宜泣聲亂序。倘若傷慘者。難以禁止悲號。此等不當隨挨喪行。宜在屋內。以免玷辱此聖葬之寔義也。

一、凡有墳地而得方便者。必須分別教友與異教人。使其不得混埋一處。又當另擇一所。以葬領洗之

嬰孩。未開明悟而卸世者。自葬此等嬰孩之後。不
拘何人。不宜同葬此處。

一、倘若信輩之墓。未曾祝聖。宜應恭迎鐸德。以祝聖
之。

一、倘遇新奉教的。棄諸異端。素常念經。未曾領洗而
卸世者。則可辦理其喪。如辦已領洗而死者之喪
一然。

一、凡諸信輩。宜當勤學喪禮問答。使其辦喪之時。實
有恭敬。而能明顯其所奉之禮。真有可憑。而非無

故所立者也。

一、葬喪之規。禁條之端。及解禮儀問答。凡諸信輩。每年之內。宜誦四次。其餘每次。或辦葬喪之事。或詣葬喪之處。一必念之。以免自悞。

一、凡遇主喪事之信輩。固執不遵聖會喪禮。反任其意。擱雜異端。或容異教者。於葬喪堂中行之。而不禁。卽時臨喪信輩。各當收取聖物。退步抽身。不然。難免同罪。而受其罰也。

喪禮問答

問崇奉聖教而卸世者。我們當以貴重其屍否。答當以貴重之。蓋其在生。已得領洗之恩。即得神潔。其在領堅振及領終傅之時。以聖油之神益。特屬天主。其於領聖體之時。即蒙祝聖之地位。即做耶穌肢體。亦爲聖神之殿。生時聖神用之。如似美器。以爲諸善。竟於世末。可望其受復活之榮。而與靈魂同享永福。斯乃貴重之大緣也。

問習異教而卸世者。其軀果無此美。將何而貴之。答雖

然其軀無奉教者之美可羨。但伊等生時是人。如奉教者然。而卽實似天主之像。其屍仍存此像之數跡。使之與畜牲之屍大異。而又生時。斯屍卽爲靈性之居所。因此重之宜也。

問我們貴重異教者之屍。當是何如。答斯乃與敗俗所用之敬。大有相異。貴重之禮。不在燒錢化紙之謬。因其成灰。而無所用焉。不在燒爐焚香。因其成烟。向空而散。死屍不能聞之。不在燃燭點蠟。因其全無知覺。不能享用。況其在世。並無功之美味。並無信德之光。而今承受

黑暗。在萬殍之獄。燃燭與香氣之表。總無趣。不在祭奠酒肉等物。因其些毫亦不能嘗之。不在設立靈牌。其牌不過薄紙一張。或塊然之木而已。有何益哉。竟不在鞠躬叩拜。因其不知厥情。而不悅厥禮。故貴重之實義。惟在依本性之法而葬之。使其不濫於水。不被足踐。不落於鳥獸矣。

問。我們敬重信輩之屍。又當何如。答。當視之如至寶之貴。而祝聖之器皿。又當視之如藏地之嘉種。待於世末之際。必至復活。而結常生。光明免傷。輕快透徹。永榮之

菓實者。信輩倘以此念此信近之。視之。動之。衣之。殮之。洒聖水而葬之。必有敬重之爲也。

問。倘若奉教人中。卽遇詐僞蔑仁。大壞善表。平生不悔而卸世者。如何舉得此念。以貴重之。答。吾儕若果明知其人固執不悔。而卸世者。因其將來復活。以受永苦。如異教者然。此時定要待之。如異教人一般。而卽勿以聖禮葬之。倘事不明。因其恐有悔改。而卽可望聖葬之。神益。若然寧可以此葬之。不敢落於妄審之失。而間斷於彼。恐有大益之神恩也。

問信輩不行拜屍柩之禮。斯有何故。答因爲異教之徒。妄信恒言。人已卸世。卽變爲神。故而斯徒。爲敬亡者所獻之祭。所供之食。所燃之香。所行之拜等。爲敗俗之禮。皆係敬神之意。而卽因此實屬異端。然信輩不但不可爲之。尙妄於其相似之禮。相離甚遠。以免同流合汚。故而不拜屍柩也。

問嘗聞事死如事生。事亡如事存。孝之至也。父母在生。孝子應當叩拜。父母已故。何不拜之。答非也。事死如事生者之解。定非斯意矣。蓋父母已故。不改其道。乃遵其

命如其在生。儆法其德。如其尙存。今懷其恩。若今領之。日日思之。如日日見之。此乃孝之至。而爲事死如事生者之正解也。倘以事生之外禮。固欲事之。則不可置之室外而葬於他處。不可不以供食。日日奉之。不可不以問安之語。日日親之。因其在生。不離於家。亦不乏於食。亦常受此祝也。敗俗之徒。旣緩於此。何急於彼乎。況其行拜之禮。依大衆之謬見。特屬敬神之意。何敢倣之。而自陷於邪妄哉。

問顧亡者之善。另有何德相連。答其德有二。卽是義愛

二德。

問義德之美。何以顯現於茲。答一者。人身原來從土而作。葬之則歸還於土。然還於土。己之本物。此乃義也。一者。死者之名。尙留活於人間。而存其美。然以美禮葬其人屍。則貴其名。而卽是義也。

問愛德於茲。又何以昭然。答管顧亡者之功。乃天主所命。而所特美之功。然依命而爲之。愛也。忻然而顧。不能自顧者。施仁賜恩。與不能報其恩者。愛也。扶助煉靈。使之脫免煉刑。而早得永安。最大之愛也。然顧亡者。全備

其三。則愛德不言而自著也。

問。衣屍有何義。答。衣之之故。特立爲存廉耻。蓋其理不容。赤身露體。而顯於人見。

問。以絲綢緞疋寶服衣屍。有何防碍。答。如此衣之。而無罪者幾人哉。多有因逞驕奢而爲之。寧可以此妄費之價。施捨濟貧。爲助煉靈。不願徒用。以貪虛名。而喂虫蟻矣。

問。爲何入殮之前。顯屍於衆。獲見。答。其禮有二意。一者。特欲稍慰親戚。朋友等臨喪者。望動其心。以行弔淚之

實義。一者。望諸信輩。見此形者。爲彼亡者。誦經更切。問此時爲何露出面容。答其意有二。一者。特欲明証聖教中人。並無挖取亡人之目。蓋此妄談之言。異教之徒。往往有之。不明之者。易信其謬。一者。望衆知覺面容之美色。俊俏之豐雅。俱是虛浮。使其以後不專於裝飾其身。而不恃其美也。

問爲何死者之手。捧十字架。或以其手。架如十字在於胸前。答此乃明表其人。死於信望天主耶穌正道之內。且其常依聖訓至死。而未離天堂之窄路也。

問爲何置屍於棺。答其理有二。一者。特欲其屍經久而
不速壞。蓋依本性之訓。凡所愛者。吾欲時常存之。一者。
欲顯吾望。而表其死者。將來必定復活。蓋若並無復活
之理。何必勞心努力。費用多資。以顧塊然之土哉。

問爲何停屍之時。使其面容獨向天主祭臺。答祭臺乃
天主座位之表。吾儕爲彼亡者。向主祭臺誦經。特意仰
望天主之恩。加於其人。故使亡者。同然向之。宜也。況且
通功爲煉靈之意。卽如其靈。借吾身舌。以求其赦。豈吾
儕以心身所向。而彼亡者之身。不當以面容向之乎。

問爲何點蠟於棺柩週圍。答爲表亡者在生之時。眞受信德之光。又特示吾心。果望死者將來復活。而享永光之慶。至其肉軀。再不居住黑暗之所也。

問爲何祭臺上。亦置燃燭。答聖臺亦明表吾主耶穌。因主耶穌乃普世之光。天堂之永亮。獨惟其道。能除靈魂之黑暗。故祭臺上。燃燭點蠟。以表此美也。

問送棺歸墓者。手執燃燭。有何解義。答解義有三。其一。吾欲公認而明示於衆知。吾儕所有之信。所寄之望。與彼死者生時。所舉信望二德。相同無二。其二。以讚亡者。

之意。蓋於此禮。吾儕明表其人。在生之時。手執光亮之炬。解曰。其人以諸善表。顯示於世。神光之路也。其三。特以訓勵吾儕。當切務於行善之業。而至於墳墓。不可廢之也。

問爲何於十字架傍。二人並行。手執燃燭。答特以表明十字聖架之能。以信德諸訓。盡去普世之黑暗。而使黑暗之宗。即是萬魔之羣。悉逃而退。至於賴信德之勇。而攻之者。不得受其害也。

問爲何獨用黃蠟。答黃蠟潔淨。而化得慢。其由苦味之

花而出。其爲甘蜜之窩而作之者。順命和睦。忠心勤勞之表也。因此卽示吾儕。當舉和德。當務潔淨。恒容克己。美範慈良等善。

問爲何洒聖水於亡者之身。及其墓上。答特爲顯著我們所舉信復活之德。請觀農夫。栽樹於地。其乃將水灌之。望其生長。而久得活。農夫所爲。吾禮之解也。

問爲何信輩來臨喪者。各洒聖水。如此重繁。答以顯吾心。希圖切願。天主慈悲。重加恩惠。於彼亡者。且洒多回。以蒙多恩。望主早息其所受之煉火也。

問鐸德行香於柩前之禮。有何意解。答一。爲表其人。死在聖會懷中。故卽視之。如美液奇香可讚。二。以示聖會。獻於天主。其禱之美香。爲彼亡者。猶如爲其生者焉。

問爲何平等信輩。不行香柩前。而獨惟鐸德行之。答聖而公會。如此而定。其規必不能差錯矣。其意於此。大約有二。一。行香之禮。顯著亡者。果死聖會懷中。而又表明。大衆所誦之禱。皆係因聖會之名而誦之。然非鐸德。代聖會之權者。自行其禮。焉能表明。而顯示此道乎。二。行香之禮。異教之人。爲敬亡者。往往用之。當做敬神之禮。

倘若許人任行。亦恐信輩效法其謬。而負其禮之正用之重義也。

問。既然聖會所用行香之禮。特立以表明亡者靈魂之美香。籤子料香。亦能表之。何不許用。答。不然。蓋異教者所用燒香之禮。以敬其神。實屬敬祀邪魔而已。今將敬魔之禮。敢用以表善行之美香。豈不大痴乎。故所燒香如是。不惟不敬。反加玷辱輕賤。而與邪魔同類。視先亡也。

問。喪事場中。爲何誦經。祈禱何事。而且向誰。是向彼亡

者麼。答一、吾儕所向。並非亡者。彼特望我們。以祈禱之。功助之。俾其脫免煉刑。而早獲永安。二、吾儕祈禱之時。所特向者。乃天主也。故而同彼亡者。轉面對着祭臺。以表此義。而顯吾真向也。三、吾儕爲彼亡者誦經。並無他意。卽因人劣弱。在世不免有過。而染罪汚。恐其小過未曾得恕。又恐當受之罰。以補其往非。生前而未補。故祈禱天主。全赦其罪。免其在煉獄中。所應受之罰。四、如此而行。並非枉然而爲。實有理可憑。蓋聖經曰。爲亡者祈禱。大有益於彼。以救之也。聖傳記讚此規。聖會時常行。

之。有何疑乎。

問以罪人之名。而稱己父母。斯乃於理不當。於孝不宜。何敢誦經。禱其罪赦。而求免其罰乎。答非也。蓋人人無不有罪者也。經曰。凡自謂無罪者。必然扯謊。而無真實也。何以。吾父與人類同等者。而盡免其罪。汚耶。况彼父母在生之時。認己爲罪人。而若然稱己。且又特命子孫。爲蒙己罪之赦。虔心祈禱。誦經。故所爲彼念經如是。乃遵命之德。無傷乎理。無碍於孝者也。

問爲己父母誦經祈禱宜也。然而跪地而誦念。有何理

乎。答誦經之際。吾身倘有端莊。而心虔誠。不拘何形。亦
可借之。然跪倒之形。與他形容。更有可美。蓋跪之形。顯
示更明。吾儕之心。伏於天主之下。其形更動吾心。自卑
自謙。而認己于主前。果係小的。以此吾儕。自呈自待。如
天主之犯人一般。且又因其形容。有所不便。而苦吾身。
則屬補贖之功。然依此善念。而跪以誦經。吾禱更虔。更
動主心。以施慈悲。而救彼亡者之靈。是故誦經之時。若
有跪地之便。吾特選其形也。

問葬喪場中念經。足矣。何必朗聲唱誦。豈不屬於喜樂。

而與哀喪之禮。大不宜乎。答非也。雖然誦經。而不歌唱。強可以爲足。但唱經而誦之。大有其故。一、歌唱之音。更舉吾思仰望主。更歛吾心於內。而更顯其所懷之大願。蓋吾念經。因爲特望切願救彼亡者。然心之大願。非以大聲而著。難得其全也。二、聖唱之音。若有規則。而爲虔心所舉。卽能逐魔而祛之。蓋彼邪魔。永憂永愁。而不能聞聽神樂之音。故而吾儕朗聲誦唱經。三、葬喪之際。信輩所用歌唱之音。亦有其憂矣。然而不至過節。蓋吾憂不似無望之徒。所發之憂也。

問何日可爲亡者誦經。聖會亦有定期可擇否。答雖然每日爲彼亡者誦經。可美可羨。而大有益於彼。但另有數日。聖會所定。而若於此日。信輩虔誠祈禱。亡者靈魂。卽獲神益更盛。

問聖會所定之期是何日。答死後三朝。一七。滿月。週年。與夫追思信輩先亡瞻禮之日。皆是。

問於上諸期。爲彼亡者。特意誦經。豈不屬擇日之妄乎。答不然。因此諸期。各有取意。非無故而冒定者也。蓋第三日。憶主耶穌死後。第三日復活出墓。因此吾望。而又

祈求。俾其亡者。將來卽獲榮光之復活也。首七。追憶天主於開闢時。六日之間。造成萬有。而至第七日乃歇息。再不造新物。因此吾望。而又特求主。賜與亡者之魂。早得永息。記滿月之意。載於聖經內。其曰。如達國人。爲聖每瑟之死。哀泣一月方止。然而聖經所美之禮。必不屬虛妄也。週年可守爲相宜之理。蓋人生於世。雖原是爲受苦。而終陷於死亡。若尙可週年。記其生日。而祝其人。况離苦世之日。週年可以念之。蓋於此日死者。幸生於主。永遠再不得死。而其離世之日。卽是永世之首日也。

道思先亡之日。乃聖而公會所立。特以誦經。而求信輩亡者之救。此時吾儕。應當效法慈母。而將我們不堪之禱。合於聖會虔誠之祈求。奉獻於主。以蒙其恩。垂允吾禱也。

問送喪歸墓之時。何必信輩念經。而聚大羣送喪。答一、吾儕如此而行。望彼死者。獲益更多。蓋信輩越衆。祈禱之功越盛。而則亡者。所受之神益。更大更寬。二、吾欲顯明彼亡者生時。所舉信望二德。與我等所舉之德相同。而卽認之爲信友也。三、欲顯仁愛。及貴亡者之情。試看

親朋相離。起程走遠。此時愛友成羣送之。幾程各以爲美。此意吾禮之解也。

問送喪之時。爲何舉十字架。前行於衆友之先。答因十字聖架。乃分別信輩。與異教者之號。靠此聖旗而行。吾儕必不能錯路。恃其蔭庇者。邪魔諸羣。必不能勝之。夫十字聖架。乃萬惠之聚。萬害之散。復活之根。及常生之本也。故卽舉之。而使之前行矣。

問爲何執聖水一瓶。與十字架同路。答吾執聖水。以便酒於墳墓。而益亡者之魂。至論聖水同十字行。吾用此

禮。特以表明聖水固無德能。而其所有之大效。皆從十字聖架之能而出也。

問領經士。爲何並行於棺柩前。答特爲美序。俾其互相對應。歌唱和咏。而弗至亂。

問爲何將屍埋葬於土。答吾儕如此而行。非特以避臭氣之不當。蓋焚之化之。亦不見其臭也。然吾特行如此。以驗天主教義。開闢之時。所定之罰。蓋於此時。主咒亞當。及其後裔。曰。爾乃土也。爾將必歸於土矣。

問爲何壘土於墳。而聚堆其上。答如此而行。特爲生者

之訓。而亡者之神助也。

問生者於茲有何訓誨。答視其堆者。可思已死離不甚遠。故當備其善路。且又可想富貴榮華。暫世之福等。死至則無。而於此時。獨留墳墓。何必貪戀而喜悅之。斯乃生者之訓也。

問亡者於茲有何神助。答視其堆者。易想亡者之魂。恐在煉獄火中。而卽施仁以求其救。斯乃亡者之神助也。問爲何豎一十字於墳墓上。答以爲記號。而別信輩之墳。與異教者之墓。且又豎之。使諸邪魔惡像。及諸患境。

遠離其地也。

問爲彼亡者弔淚悲傷。可以行之否。答倘吾悲哀。實不過節。可以舉之。蓋主耶穌亦悲泣蠟匝洛之死。然不過節之淚。當由真實。當據端莊。當從制節。而當以信德規之。發於本性之情也。

問旣吾悲泣之淚。當由誠實而發。若吾心內。並無慘傷之情。而獨外面顯著悲傷之聲。就有不該了。豈有是理乎。答如此而行。斷然不可。其行實屬詐僞之行。兒娃之戲。乃輕亡者而凌辱之。有仁愛之模。而無仁愛之實者。

也。可不戒哉。

問據端莊之淚何解。答雅而哭。恭而正色。不發怨瀆之詞。不致狂號。不使雙足踴跳。無耻等行。皆是。

問從制節之淚何解。答從制節者。依宜而爲。不敢越中。因其所憂。不失其性。不忘其分。不棄所需。不厭人視。不絕些慰。乃以禮。規其憂。而以制節之法正之。是也。

問以信德之道。而正己淚何解。答凡遇異教。而卸世者。宜應弔淚更切。蓋此等之輩。因屬地獄所吞。而永火所苦慘者。故當哀之更甚。至論信輩。用聖道而卸世者。寧

可悅樂而慶賀之。難以哀惜其人也。然而倘吾不能禁止。本性所發之淚。則以遠別之故。可以哭之。然勿泣之。如永亡也。蓋有眞望。將來吾儕。必復相面而相忻矣。問放聲大哭。恒久舉哀。踴跳非常。乃情深愛切。而敬重之號。况不如是。恐異教者。嚴責吾儕。以爲不孝不義之徒。奈何。答高聲無耻之淚。雙足踴跳等行。寧可謂之顛狂之行。並非眞孝之跡也。若夫異教者。輕叱吾儕。因不習其狂。可憫其愚。不可做其顛。况且此等之行。不惟不邀異教者之讚。反且誘之。毀謗聖教。而以行不顧言之。

尤重責信輩。蓋吾常言。信輩雖死於世。實然活於天主。其死非爲永死。乃暫時之死也。其將復活。而與吾輩相見等語。依此而信。何必哀之。如滅者然。而無常生之望哉。斯正真所謂。行不顧言。而信之不實者也。

問。聖會於喪事中。用何彩色。答。安葬嬰孩。惟用白色。其餘喪事。單用黑色。

問。爲何用黑色。答。特爲表明亡者之地位。彼也。論其肉軀。葬於墳墓。而在黑暗之地。論其靈魂。恐住煉獄。受其幽冥之牢。況其黑色。似著弔喪之憂。更篤是故用之。勝

於他色也。

問爲何聖會安葬嬰孩。反用白色。答白色之用。乃潔淨之義。與喜樂之號。故此聖會特用。以表嬰孩。並無罪過之染。而因斯孩。已獲常生之福。聖會亦用顯己喜樂。問領洗而卸世者之嬰孩。既其死後。立即獲享永福。何須爲彼誦經。答此時吾儕誦經。並非以求斯孩之救。然而誦之。特以感謝天主。讚其仁慈。因其已救斯孩。而又懇祈哀憐我們。賜與同斯嬰孩。獲享永福。試詳斯經之意。則明白其旨。而無他意矣。

問爲何將鮮花香草。編成花冠使頂於其首。答特以表明斯孩。心身貞潔。毫無玷染之污矣。

問爲何不宜涕哭悲淚。而送其喪。答吾儕如據信德。而以真愛愛之。更有所喜。蓋彼斯孩。果真享見天主。必獲萬福。天朝神聖。共樂其樂。吾儕何獨憂而不分其樂哉。是故悲淚而送其喪者。實然陷於不宜也。

問何必另分埋葬嬰孩之地。而與別人之墓。不得同處。答蓋伊等之軀。將來必得榮光之復活。故此可謂聖者之軀。他人之軀不然。彼也。將來雖必復活。難定其人。果

獲復活之榮。因此相別而不同一處。葬其屍骸。宜也。

問爲何新奉教人。未曾領洗而卸世者。得准以聖會禮典葬之。答因爲斯人。果有信德而卸世。恐未死之前。兼有成全痛悔。而又真發領洗之切願。若然。可謂其人已蒙其罪之赦。然論其罪所當受之暫罰。因此未必全免。恐彼靈魂。今在煉獄。受其罪罰。是故吾儕。盡心勉力。將聖會之禮。及其經典。發憤以助之。

問倘彼亡者之魂。或在天堂。或在地獄。此時爲彼誦經。並無其用。另有神益可取否。答雖彼亡者不能自用。然

屬生者。而爲此善。各有大用。卽是施仁。哀矜。祈禱。等功之益也。蓋吾所立之功。於茲雖不能通之。而吾功仍在。有何疑乎。再者。爲彼亡者誦經。必有二意。首意。特歸於彼亡者之神。益次意。特歸於諸煉獄之靈魂。因此經已念畢。每次卽誦。望伊靈魂。暨衆先亡。信輩靈魂。賴天主仁慈。息止安所。亞孟。故所若彼亡者不用。其餘煉獄之靈魂。必然用之。豈不美乎。

問誦經以外。另有何法。扶助煉靈。答克己齋戒。哀矜之功。大赦之恩。皆能扶助煉靈。然首一等無比之善法。卽

是彌撒聖祭。

問大赦之恩。怎能通於煉靈。答凡教宗所定誦經等功。以獲大赦之恩。若其准允。將此大赦讓於煉靈。此時信輩依此善功而行者。即能通其大赦與彼煉靈。以蒙主恩。免其罪罰。於此可知玫瑰諸赦。皆能通於煉靈。故此熱切誦玫瑰經。即爲煉靈最有神益也。

訃聞式開列於左

不孝男○等罪孽深重弗克盡孝以致

清故顯考妣○姓○名○公或夫人享年若干

於○年○月○日染疾終於正寢議定

於本年○月○日因老啓經○日開弔至○

日扶柩安葬○處伏乞

俯賜光顧存歿均感謹此

訃

聞

失父曰孤失母曰哀父母俱亡曰孤哀子
○姓名孫○名曾孫○名泣血稽顙拜
兄弟已死則兼長孫名稱承重孫○○拜

告白

據天主教之理。敗俗所用敬亡者諸行。概屬異端邪妄。故而嚴禁。弗許從之。其理甚篤。倘有君子見異。可以問故而知其道。吾儕不辭以對矣。再者。嚴父在世。從奉天主聖教。勤持其誠。至死不移其規。特意降命。囑令子孫。照聖教諸典。辦其喪事。且也急禁吾儕。勿陷於敗俗之妄。故而凡係設立靈牌。燒錢化帛。焚香祭奠。禮拜喪靈。陰陽道僧超度亡魂等虛謬之禮。一並不用。切望諸君賜光顧者。不以爲

怪。吾欽

天主真神之令也。吾遵嚴父所遺之命也。不以孝乎。何怨也夫。

通功十煉靈

基斯當 聖名某 寄世 幾十歲於 某
年某月某日蒙 天主恩召其靈
魂今求各方教友體上仁愛爲彼
祈 主賜伊脫免煉刑早登永福
之域永感不已

孤哀子 聖名孫泣血稽顙拜

永光十照之

生於某年某月某日

清故顯

考妣

府

君孺人

號聖名某

之墓

卒於某年某月某日

孝男某率孫某曾孫某立

聖教禮規卷三

誦亡者日課規模

一、凡遇追思先亡日。及死期。葬期。三朝。滿七。滿月。週年諸日。當念請經。欽崇主王。云云。請衆向主躍喜。云云。他日則不念。

二、凡遇以上諸日。各聖咏前後和誦。凡念經者。兩邊衆人同齊全誦。他日聖咏前。則一邊題頭。聖咏後。則兩邊齊念。

三、凡遇以上諸期。不誦暮課尾咏。一百四十五咏。吾魂

請讚頌主。云云即接念。主拯其靈魂。云云及讚

頌後亦不念。一百二十九咏。主。予自深幽。云云即接

念。主拯其靈魂。云云經書九後之和懇主救我

于下獄諸途。云云更改念和求主救吾于永死。云


其餘他日誦經。則不念。求主救吾于永死。云云

惟念。懇主救我于下獄諸途。云云

四。若亡者月內。洋十一月自諸聖瞻禮起有欲日日誦經

者。瞻禮二五日。單誦第一節及暮課讚頌。瞻禮三

六日。單誦第二節及暮課讚頌。瞻禮四七日。單誦



第三節及暮課讚頌。亦不誦請經。欽崇主王。萬
云云。請衆向主躍喜。云云。經書九後亦不念。
和誦求主救吾于永死。云云。素常誦亡者經。亦
照此規誦之。至誦何節。隨人所喜。

五、凡誦暮課者。必要自正午後。至半夜十二點鐘可
誦。自半夜至明日正午勿誦。凡誦夜課及讚頌者。
必自半下午。至明日正午可誦。自正午至半下午
勿誦。只宜誦暮課。及亡者玫瑰等經。
六、凡誦聖咏者。衆人稍歇。斬齊斷聲。至一邊念完聲

絕。二邊起念誦誦經書。不可亂歇。

七、凡誦亡者日課經。在每聖咏後。務必念 主賜伊
等永寂。即爲一人誦之亦然。切不可改爲 主
賜伊永寂。

聖教禮規卷三

亡者日課經

暮課

題予在生者之域

聖咏第一百一十四

予已愛矣。蓋主將允予禱之音。因其傾耳於我。而卽於我諸日。予將籲號。死亡痛苦已圍我。地獄險難已獲我。予已獲困厄並痛楚。且我已號主名。吁主。救我靈。主乃仁慈而義。我等天主。忻施哀憐。主護守小

輩。予已卑下。而主已救我。予魂乎。應歸爾安所。蓋主已施恩惠於爾。其已扶予命。脫逃於死。其使予目。盡絕予泪。其穩予足。至於免仆。予在生者之域。將爲天主所悅樂者。主賜伊等永寂。而恒光照之。

和誦予在生者之域。將爲天主所悅樂者。
題主。嗚呼

聖咏 第一百一十九

困鬱時。予已號主。卽俯聽我。主救我於惡唇。及於詭舌。有何凶惡。能降能加於爾。過於詭舌之惡哉。其

乃勇能者。所射之利箭。與使敗滅之火炭。嗚呼。子徒居延久哉。子偕側達爾寓者。子魂甚久爲旅。於惡和者。子則和睦。與伊等語。彼無故逆我。主賜伊等永寂。而恒光照之。

和誦主。嗚呼。子徒居延久哉。

題主庇爾

聖咏第一百二十

予已舉目仰山。從彼予祐將至。護我之祐。由造天地之主。幸其勿令爾足跌仆。護守爾者。幸與不寐。護

守依矚爾者。非與寐。亦非全眠。主保爾於諸凶。主爲爾庇蔭。其在爾右手之上。朝太陽。將不灼爾。夕太陰亦然。主庇爾於諸逆。幸主護守爾靈。幸主庇蔭爾出入。自今迄于無窮世。主賜伊等永寂。而恒光照之。和誦主庇爾於諸逆。幸主護守爾靈。

題主若詳察

聖咏第一百二十九

主。予自深幽籲號爾。主。聽允我聲。爾傾耳注聆。予求之音。主。若詳察橫逆。主。疇克當乎。主。因慈悲在爾

懷。且爲爾規法。予候望爾。吾魂候。依厥言。吾魂望向
主。自晨更至夜。依臘爾須望主。盖惻憐在主懷。盛
贖亦在其懷。且伊將贖依臘爾。於諸橫逆。主賜伊
等永寂。而恒光照之。

和誦主。若詳察橫逆。主疇克當乎。
題主。勿忽。

聖咏第一百三十七

主。予以全心將讚頌爾。蓋爾已允予口諸語。諸天神
前。吾將歌咏於爾。欽拜於爾聖殿。並讚頌爾名。予讚

爾仁慈。及爾真實。蓋爾已丕揚爾聖者。在萬號之上。不拘何日。吾禱于爾。望爾皆聽允我。祈爾以德廣施我靈。主乎。普地諸君。將認揚爾。緣其已聽爾口諸語。其將必徑爾道歌云。大哉主之巍榮。蓋主乃峻高。而視微下者。凡居峻高者。主知之而遠。若予行艱難中。主將活予。主已伸爾手。在予讐敵之上。且爾右手已救予。主爲我將復報。主。爾仁慈至于無窮。祈爾勿忽爾掌之工。主。賜伊等永寂。而恒光照之。

和誦主。勿忽爾掌之工。啟吾自天已聞聲云。應福哉死於

主者。

題凡吾父賜

聖母讚歌

吾魂。現今弘主兮。而我心已踴。於救吾之天主兮。

蓋已眷顧厥婢之卑。由世茲後。萬代將稱予爲福者兮。

緣大施予。乃全能者。聖哉厥名兮。且其仁慈。直至

世代。及畏之者兮。使厥臂能。敗散傲輩。心謀之計兮。

黜尊權者。離高位。而舉卑賤者兮。饑餒者。充之以

諸詳。而富厚者。棄爲空乏兮。因念已慈。已援厥役。依

瞻爾兮。如昔示諭。與吾祖父。亞巴郎。暨厥苗裔。至諸世兮。主。賜伊等永寂。而恒光照之。

和。凡吾父賜與我者。必將臨予。凡臨予者。予弗棄之於外。在天我等父者。其餘默念。啟又不我許陷於誘感。應乃救我於凶惡。

聖咏一百四十五 此聖咏或念或不念當見七十四張規模

吾魂請讚頌主。予在吾生將讚美主。而依平生之久。恒歌聖咏。稱頌吾天主。勿倚鉅宗。及諸人子。伊等並無保救之能。伊魂必然將出。其人將歸厥土。維時厥思

皆已散亡。凡蒙天主。雅歌之主。爲其扶祐者。眞福人哉。厥望在於厥主。卽天主也。斯主乃造天地。滄海。與其所包涵諸物。斯主世世。恒守眞實。義判無辜之輩。降食以飽餒者。主釋被腳鐐者。主明瞽者。主拯仆傷者。主愛諸義者。主護守諸旅者。將收孤哀與寡婦者。而敗壞惡輩諸道。主將永王。削哉。爾主天主。至於無窮世。主賜伊等永寂。而恒光照之。

啟主。拯其靈魂。應於下獄門。啟望伊等息止安所。

應亞孟。啟主。俯聽我禱。應而我號聲。希徹於主。

爲先亡聖會宗牧祝文

請衆同禱。天主旣以莫測之上裁。令爾僕某附諸至尊鐸德之數。使寓世時。代爾獨子之位者。今求賜伊俾附爾列聖宗牧之會焉。惟爲吾主耶穌基督督爾子者。其偕爾與聖神之合一。乃活乃王。天主及世之世。亞孟。

爲先亡鑒牧與鐸德祝文

去世本日三朝首
七滿月週年誦

請衆同禱。天主旣爾在世。以鑒牧聖職。賜與爾僕某

附於宗徒者。列位主祭中。今祈賜伊與之永居焉。惟
爲吾主云云

爲先亡父母祝文

請衆同禱。天主爾已嚴令吾儕。孝敬父母。懇祈憐憫
我^父靈魂。赦免其罪。並賜與我。明見伊等。在于榮光
之樂。惟爲吾主云云

爲先亡弟兄親戚恩人祝文

請衆同禱。天主。廣賜宥赦。而忻人獲救者。我今求爾
寬容。以恒眞福瑪利亞。與爾諸聖之代祈。而賜凡去

世吾會弟兄親戚及恩人俱到獲享永福之處。惟爲
吾主云云

爲先亡一男祝文

請衆同禱。懇祈主俯聽吾禱。賜爾僕某靈魂。依爾所
命而卸世者。至於光明及安寧之域。並與爾諸聖爲
侶。惟爲吾主云云

爲先亡一婦女祝文

請衆同禱。懇祈主依爾仁慈。憐憫爾婢某靈魂。已離
汚世罪染。賜以永救之所。惟爲吾主云云

爲先亡

男

祝文

去世本日宜誦

請衆同禱。

主慨然赦宥爾

婢僕

某靈魂。使其已死於世。

卽活於主。凡其因人情世務所犯諸罪。賴爾至大仁慈。望爾拭潔之。惟爲吾主云云

爲先亡週年祝文

請衆同禱。

天主恕宥之主。我今追憶爾

婢僕

某卸世之

週歲。懇祈賜伊蔭涼之處。安息之福。光明之亮。惟爲

吾主云云

爲新亡

男

祝文三朝首七滿月宜誦

請衆同禱。主我今追憶爾婢某卸世之三朝首祈主

賜伊靈魂。偕爾諸聖及揀選輩。幸獲爲侶。並注憐憫

之恒露。以潤濕之。惟爲吾主云云

爲先亡諸信者祝文

請衆同禱。伏望肇造救贖諸信者天主。免爾諸僕婢

靈魂之罪。令其生平所願大赦。以及虔敬得之。爾舌

末念望伊靈魂暨衆先亡信輩靈魂。賴天主仁慈。悉獲安

靖。亞孟。各等祝文未當念此文

以上祝文爲先亡或男或女誦須知隨宜更換

夜課經

請經 欽崇主王。萬有皆活於其前。復念 欽崇主王。萬有皆活

於其前。啟請衆向主躍喜。忻歌樂音。在救吾天主前。請衆將認罪之實。先主聖容。而以聖咏歌頌其美。應欽崇主王。萬有皆活於其前。啟蓋天主爲尊高之主。及超越萬神之大帝。其乃弗棄厥岷。普地全球。在其手掌。而主以明目俯視峻嶺。應欽崇主王。啟滄海並服其權。其乃親造之。而以其手穩定大地。請衆欽崇。應匍匐天主臺

下。涕泣於造我等之主面前。因其實係吾主天主。吾儕
眞爲其民。及其所牧之羊。應欽崇主王。萬有皆活於其
前。啟今朝爾等。若聽主言。勿硬爾心。如昔日於曠野。觸
怒犯疑然。彼處爾祖。妄試吾權。其乃親試而見吾工。應
欽崇主王。啟予已近此輩。四十載之久。而予已曰。斯輩
之心恒常錯悞。其乃弗知吾道。且依予義怒中所舉之
誓。斯輩弗克進入予安。應欽崇主王。萬有皆活於其前。
啟主。賜伊等永寂。而恒光照之。應欽崇主王。復念欽崇主
王。萬有皆活於其前。

夜課經第一節

題吾主天主。望爾正直

聖咏第五

望主聽我言。達予呼號。吾帝皇。吾天主。望爾專予祈禱之聲。蓋吾將祈于爾。主。清晨俯聽予音。清晨予侍爾前。且明爾乃弗忻惡逆。惡輩將不近爾。居凡不義者。弗克久存。在爾目前。凡爲不義者。爾已厭惡之。凡道誣言者。爾將喪亡之。凡嗜殺者。並奸僞諸人。主憎恨之。予乃獨特爾仁慈之豐盛。將進爾宮。卽舉畏

主之心。伏拜於爾聖殿。主，導我以爾義。因予仇敵正直予道。在爾面前。因厥口總無真實。厥心浮虛。厥喉乃裂塚。厥舌行詭。天主祈爾判之。彼所謀之思。將屬空虛。主，依其所犯無仁之多惡。請棄逐之。因其已觸爾義怒。凡望主者。將必忻樂。永遠踴躍。且爾將居於伊等。凡好爾名者。將必獲榮於爾。因爾將祝義人主乎。爾以施惠之良意。如以禦牌會覆我等。主，賜伊等永寂。而恒光照之。

和誦 吾主天主。望爾正直予道。在爾面前。

題主乎迴視

聖咏第六

主。勿以爾震怒。訐責我。勿以爾嗔恨。懲斥我。主。矜憐我。因子劣弱。祈主療我。因子諸骨不寧。子魂紛慌。極甚。主。至於何時乎。主乎。迴視而拯子靈。爲爾仁慈。祈爾救我。蓋于死境。無有記憶。爾者在地獄中。誰頌爾哉。我於涕泣。已勞已倦。子泪每夜將洗吾床。灌溉吾寐榻。特因嗔厭。子目昏朦。子已成老叟。在子諸仇之中。惡輩乎。悉退離我。蓋主已允子泪之聲。天主已

允我求。主已納子禱。乞令子諸仇。駭赧迅回。速羞甚愧。主賜伊等永寂。而恒光照之。
和誦 主乎。迴視而拯吾靈。蓋于死境。無有記憶爾者。
題 恐無救贖

聖咏第七

主、吾天主。子已望爾。懇祈賜子。脫於仇諸害。而拯救我。
恐無救贖之際。猛獅卽至。攫拿吾靈。主、吾天主。倘
子已行此事。倘子手已作惡逆。倘子以惡而已報惡。
卽願服子諸仇之下。而白受其害。若然任子仇敵。謀

害吾靈。拿獲予命。踐踏辱之。而使予榮歸於虛灰。主乎。興作。施爾義怒。顯爾高威。在予諸仇之境。主。吾天主。因爾所命之法。興作而卽民衆之會。必將圍爾。爲此諸會。請爾復上峻座。主。乃審判衆民。主。依予義善。及因子無辜。卽審判我。罪人惡逆。將及其至。主。將正直義人天主。詳測諸心。諸腰。望主祐予。並非無故而望。心直之輩。主。定救之。天主眞爲審判之主。其乃爲義。爲勇。爲忍。豈於每日。獨懷震怒乎。爾等若不反悔。主。卽將搖厥劍。厥弓已關。已備矣。厥弓旣備。以喪亡。

諸器。厥箭乃烈火之箭。于茲罪人。已產不義。已懷痛苦。已生惡逆。開坑而掘之。及落於自開之坑。其所以懷之痛苦。將歸厥首。而其所生之惡逆。將降於厥頂。予乃依主之義。將讚頌之。將以聖咏。稱揚巍巍主名。主賜伊等永寂。而恒光照之。

和誦恐無救贖之際。猛獅卽至。攫拿吾靈。

啟主拯其靈魂。應於下獄門。

在天我等父者。云云 全全默念念畢卽誦 主寬恕我

第一經書 此句不誦餘倣此

主寬恕我。因予諸日。皆虛無矣。人者何物乎。因何爾弘大之。因何爾心安置予之乎。主絕早顧之。而又忽然試之。主今不饒予。不讓予吞本口之液。至於何時乎。吁。護守人者哉。予已獲罪。將必何爲於爾。何爲置予。作爾對敵。何我與我。則爲重任。爾何不去予罪。而弗除予惡逆。茲予將眠於灰。若晨蚤覓予。予已亡矣。

和誦我信贖予者。乃生活。我信世末之日。予必從土而甦。予在我肉軀。將觀救吾者天主。啟予將親自觀之。而非別觀。予以親眼。必將見之。應予在我肉軀。將觀救吾者。

天主。

經書二

予心厭吾生命。予將發言責予。予言由我苦。憂之心而發。予向天主曰。勿以罪案斷我。祈爾指予判我。如是之緣。誣陷予。委逼予。爾掌之工者。扶祐逆輩之惡議。爾以爲嘉乎。主目猶肉。目乎主視猶人。視乎主日猶人之日乎。主之年歲。豈爲人世所能比乎。豈能誘爾覓予惡逆。而深測予罪乎。主爾實知。予並無拂人之惡。蓋全無有一人。克脫於主手矣。

和。臘。雜。祿。朽。于。墳。墓。時。爾。乃。令。之。復。活。主。望。爾。賜。伊。等。安。靜。及。恕。宥。之。所。啟。將。臨。審。判。生。死。而。以。火。判。世。之。主。乎。應。望。爾。賜。伊。等。安。靜。及。恕。宥。之。所。

經書三

爾。掌。已。造。我。並。塑。我。周。全。且。又。瞬。息。之。間。若。然。傾。倒。我。乎。懇。求。記。念。爾。已。造。我。如。坭。而。將。令。予。歸。於。塵。灰。主。非。已。擠。我。如。乳。而。凝。我。如。奶。餅。乎。主。以。皮。及。肉。衣。我。以。骨。與。筋。成。我。施。我。以。生。命。降。我。以。仁。慈。且。以。爾。賜。顧。護。守。予。靈。

和主爾降臨時。以判普地。何處藏子。以避爾震怒之容。

蓋予在生獲罪至極。啟今予畏懼我諸。行爲羞愧爾前。祈主降判之時。勿依罪而判我。應蓋予在生。獲罪至極。啟主。賜伊等永寂。而恆光照之。應蓋予在生。獲罪至極。

夜課經第二節

題主已置予

聖咏第二十二

主已治子。予將無缺乏。主已置予在豢養之地。主已養我。在近水之處。使予靈歸。特爲厥名。卽導引予于

義徑之上。予若行路。在死影中。不懼凶惡。蓋爾與我
偕焉。爾答爾杖。已安慰予。爾已席備予前。以對傷
害我者。爾已膏油。傅予首上。且予醉時。何其盲哉。
主之仁慈。於我平生諸期。將恒隨予。且又使予永久
諸期。居在主宮。主賜伊等永寂。而恒光照之。
和誦主已置予在參養之地。

題勿記

聖咏第二十四

主。予已舉靈向爾。吾天主。予靠于爾。將不赧愧。卽予

仇敵弗克譏我。因凡候爾者。弗能被愧。凡爲惡者。應當被愧。其行無益故耳。主示予爾道。且以爾諸徑。訓誨教我。引我於爾真實。且訓誨教我。蓋爾乃救我之天主。而予終日已候望爾。懇求記念爾哀矜之豐盛。與爾無始諸仁慈。勿記我少齡之罪。及予罔知諸愆。依爾仁慈記我。主因爾良善。主乃慈乃直。爲茲將示教令。以正不宜於道者。其將導引良善於案。又以厥道。將訓良輩。凡務覓訪主之詔令。與厥証者。則以主之諸道。皆爲仁真。主特爲爾名。望爾寬宥予罪。蓋

子罪甚繁。畏懼主者。係何人哉。主將教之於其攸選之道。厥靈將居諸詳。厥裔將嗣安土。畏懼主者。主爲厥基。主之教令。定以示於伊等。吾目恒時仰主。因其將脫吾足於索套。主迴視我。而哀憐我。蓋我孤獨而窮乏。予心困芒已盛。望爾救我於我諸乏。視予卑微。及予苦勞。而釋予諸罪。請視予仇敵。因其倍多。而以無故之恨深厭惡我。望爾護守我靈。而賜救脫。無忍我被愧。蓋予候望爾。無辜而直者。已親於我。蓋我已候望主。伏祈天主。救依矚爾。於厥諸逆境。主

賜伊等永寂。而恒光照之。

和誦勿記我少齡之罪。及子罔知諸愆。

題子信

聖咏第二十六

主乃吾照。吾保全者。我將何恐懼。主乃子命之護庇者。子將何顫慄。惡輩近子。以食吾肉。困苦我者。已弱而仆下。倚見營軍。立於攻我。我心全無恐懼。倘來對我交戰。我乃於是即望。子已求主。獨惟一事。子將覓以獲之。卽是平生。居於主宮。俾子親見主之怡

美而入其殿。緣主已藏予。在厥至聖之所。而於凶惡之日。卽陰庇我。在彼所之隱處。主已舉我於石。因茲卽揚吾首。在予諸仇之上。予已週。而於厥所。奉獻呼號之祭品。予將歌咏。而稱頌主。主俯聽予聲。斯聲獨號于爾。主矜憐我。而垂允我。予心已語于爾。吾容已尋覓爾。主。予將訪爾聖面。勿迴爾容避我。勿以爾義怒。遠離爾僕。望爾護祐我天主。救我之主。勿丟我勿棄我。蓋予父子母。曾遺棄我。而主已接收我。主以爾道誨。引我於直徑。爲我諸仇。勿付我於苦我者之

心。蓋誣証者多已起攻我。然厥惡自誣。子信將來。必親眼觀主之美祥。在于生者之域。爾當俟主。當勇以行。當堅爾心。而候望主。主賜伊等永寂。而恒光照之。和誦子信將來。必親眼觀主之美祥。在于生者之域。啟望主置伊。偕諸鉅宗。應偕厥岷鉅宗。

在天我等父者云云 全默念默念畢卽誦 望爾應子

經書四

望爾應子。指子諸罪諸惡多寡。示子獲見。子諸橫逆。及諸愆尤。何俺爾容。何爲視子如爾仇乎。爾顯爾能。以攻

風拂之葉。爾欲殘害。卑微枯草。蓋爾對我。卽寫慘苦。而因子少齡之罪。則欲消子。爾已置子足於筋。爾已窺察子諸徑。爾已詳究子足諸跡。子乃如臭腐者然。且又如裳衣。蠹蛙所嗜者。將必消沒。

和誦天主。懇祈爾記念我。因吾命如風然。人目勿觀我。啟主。子自深幽籲號爾。主俯聽我聲。應人目勿觀我。

經書五

人由婦者而生。居世而不久者。尙以困苦甚多。而充滿矣。伊乃如花卽出。而被足所踐。其似虛影卽散。未嘗恒

于定位。主爾于斯者。屑啓爾目。且偕語審。從汚種而被孕者。誰能使之爲潔。豈非爾獨一者乎。人之日期短促。厥月之數。在於爾前。爾已限定厥界。莫可越之。請主少離於伊。使其獲安。待厥大幸之日。如祝傭者之日而臨矣。

和誦惜哉。予也。主。予在生。獲罪甚多。無賴罪人。將何爲乎。何處逃乎。吾天主。我惟逃赴於爾。望爾末日。降臨之際。矜憐我。啟予靈。極極。主。懇庇祐之。應望爾末日。降臨之際。矜憐我。

經書六

誰將施子。蒙爾恩惠。蔭我在獄。遮掩藏我。在爾威怒之時。而定於我。念予之期耶。人已死者。以爲再生乎。予乃斯戰諸日。俟候予弗易之地位。爾將召予。而予應諾。爾將伸提爾右手。以接爾掌之工。主。爾已數我步。然予祈爾寬恕我罪。

和誦主。於爾降臨。以火判世之際。勿記予罪。啟主。吾天主正直子道。在爾面前。應於爾降臨。以火判世之際。啟主賜伊等永寂。而恒光照之。應於爾降臨。以火判世之際。

夜課經第三節

題主忻然

聖咏第三十九

予已盼望俟主。而主已允顧我。主已俯聽予禱。而即救予脫離苦幽。及坭穢渣。其已穩定予足。在於石上。而正直予步。其已付於吾口新咏。即係稱讚。我等天主之咏。多衆將觀而懼。且倚望主。凡靠主名。而不仰虛幻。及諸僞狂者。真福人哉。主、吾天主。爾已盛廣。爾諸靈異。於爾思意。並無相對者。予已敷傳。而已言。

矣。其乃倍盛越數。爾曾弗願祭與獻儀。然爾成全予耳。爾弗已聞燼。及爲罪之祭。予乃已曰。我卽來矣。篇首載予。其言予必承行爾旨。予天主乎。予已願之。予心深懷爾法。予已敷傳爾義於廣大之會。予將亦不禁予唇。主。爾已知之。予實未藏爾義在心。乃已明言爾真實。與爾救人之道。予未隱爾仁慈。未藏爾真實於大會。主。勿遠爾哀憐於我。爾仁慈及爾真實。恒已收我。蓋逆境無數。已曾圍我。予諸橫逆。已擒獲我。而我弗克以見。吾罪之數。超越吾髮之多。而則吾心。已

遺離我。主。忻然賜予救脫。主。盼以扶祐我。凡營殍
我命者。乞令彼愧。乞令彼駭。凡願我罹凶者。乞令彼
却。乞令彼赧。凡忻相告語。嘻哉嘻哉。令彼卽赧。凡
覓爾者。必踴躍於爾。凡愛爾救世者。應當恒云。幸主見
爲弘兮。予乃丐者貧者。主顧慮我。爾爲護祐我者。
蔭庇我者。祈求毋延緩。主。賜伊等永寂。而恒光照之。
和誦主。忻然賜予救脫。主。盼以扶祐我。

題祈主療醫

聖咏 第四十

福哉。明達於貧窮者。卽遇凶日。主將救伊。望主存伊。活伊。賜之受福於地。而不付之於厥仇之意。伊居痛榻。主卽祐之。伊在病時。爾已復易厥全寐榻。予已曰。主矜憐我。療醫予靈。蓋予獲罪於爾。予仇以惡而攻予。曰。彼也。何時喪亡。何時厥名泯沒哉。倘有入以視者。厥言卽僞。厥心聚惡。而自招其害。其出於外。卽僭議語。予諸仇敵。密聲交語。籌思害我。彼也。已定惡言害予。吁。寐眠者。豈將不力以復興乎。蓋予所和好者。予心所特信者。食予糧者。斯人異絆予足矣。主矜

憐我復活我。而予將報伊等。將來予仇敵。必不悅予事。因此予已明知。爾曾允予矣。因予無辜。爾已接我。而永堅我于爾面前。永祝頌兮。天主。依臘爾之主。至於無窮世。幸哉。幸哉。主。賜伊等永寂。而恒光照之。和誦。祈主療醫予靈。因予獲罪於爾。題予魂渴慕。

聖咏 第四十一

天主。予仰慕爾。如麋鹿希於水泉。予渴慕乃勇。乃活者天主。何時予赴。而見天主臺前。日日予聞。言詰予。

曰爾天主何在。而卽因此。予眼淚做我朝夕之糧。予
已憶思。而寬注予魂。蓋予將徑異美聖所。而入天主宮
焉。聲乃踴躍者聲兮。讚譽者音兮。慶宴美響兮。吁
吾魂哉。何至憂慮。何至亂予。俟望天主。蓋予將來。尙
讚頌之。吾容祉哉。吾天主兮。吾魂向予。則大不寧。故
自若爾當地。及自小山。名黑沒義。予將憶主。淵卽召
淵。如爾湧水之響。爾諸高峻。及爾水浪。已徑我上。
朝主已發仁慈。夕乃讚主之咏。禱在予懷。卽向天主
予命之原者。予向天主將曰。爾乃予扶祐者矣。爾何

已忘子哉。何由仇敵苦子之時。子卽憂慮哉。子骸破
碎之際。苦子者我仇。譏叱辱我。彼也。日日語我。爾天
主何在。吁。吾魂乎。何至憂慮。何至亂子。俟望天主。蓋
子將來。尙讚頌之。吾容祉哉。吾天主兮。主賜伊等永
寂。而恒光照之。

和誦子魂渴慕。乃勇乃活者天主。何時子赴而見天主
臺前。

敬祈主勿付認爾之靈於蠢獸。應且勿永忘爾貧者之
魂。

在天我等父者云云 全默念念畢卽誦子靈將微

經書七

子靈將微。子日將短。而墳墓獨留於我矣。子雖無罪。而子眼目。居於苦中。主望爾救我。置我侍爾。卽任何手與我戰耳。子日已過。子思苦累我心者已散。夕易爲日。且暗後復望見光。若子忍下獄則爲子室。而子幽中。已鋪子榻。子對臭膿。已曰。爾乃吾父。對蟲亦曰。爾乃吾母。吾姊妹也。是子俟者何在。乎。疇思子耐乎。

和因在地獄中。全無救贖。且因每日。子已獲罪而不悔。

則畏死之恐懼亂我。天主矜憐我而救我。啟主依爾名救我。而依爾能賜我脫免。應因在地獄中全無救贖。主矜憐我而救我。

經書八

肉已消除。予口粘結予皮。惟存厥唇。周子齒耳。極少爾等。爲吾友者。矜憐我。矜憐我。蓋主之手。已降觸我。爾等何似天主。而苦我乎。何將吾肉。爲爾飽乎。誰將施予。以寫吾言。誰將施予。以鉄彫刀刻之書上。及鐫於鉛板。或鏤於石。蓋予明知吾救贖者乃活。予亦未日。從土而甦。

予皮將來。必復周子。而在予肉軀。將覩救予者天主。予將親自覩之。而非別覩。予以親眼。必將見之。斯吾寄望。蘊於我懷。

和主。勿依我行判我。我爾臺前。全全無有可美之功。故予伏懇爾之尊威。天主。予特望爾。塗予惡逆。啟主求愈洗我於吾不義。而潔我于吾罪。應天主。予特望爾。塗予惡逆。

經書九

何昔令子。出于母胎。幸子斯日。卽亡。而弗見於目視。斯

日子有者。猶子無者然。一出母胎。卽徙於墓。豈子短促之日。非速至終乎。故子未往黑暗不返之地。死亡之霧。所蔭之處。困苦與諸幽。所集之域。死影紊亂。永懼之所。乞先許子。少涕子苦已。

和誦懇主救我於下獄諸途。爾昔已破銅穩諸戶。進入下獄。昔日居在冥刑中者。爾已賜之光亮之照。俾其見爾。啟其呼號曰。子救贖者。爾已降臨兮。應斯等昔居在冥刑之中。啟主賜伊等永寂。而恒光照之。應斯等昔居在冥刑之中。

凡遇追思先亡瞻禮日及全誦夜課三節之
日不念經書九後之 和誦 但更改如左

和誦 求主救吾于永死。值彼威嚴驚戰期。諸天與地動搖
時。主臨以火判世際。啟我今悚然恐懼兮。訊詰義怒倏
臨期。應諸天與地動搖時。主臨以火判世際。啟彼真義
怒困苦期。大哉慘哉彼日兮。應主臨以火判世際。啟主
賜伊等永寂。而恒光照之。應求主救吾于永死。值彼威
嚴驚戰期。諸天與地動搖時。主臨以火判世際。

讚頌經

題殘屈骸

聖咏第五十

天主。依爾大仁慈。矜憐我。且依爾哀矜之豐盛。塗于惡逆。求愈洗我于吾逆。且潔我于吾罪。蓋我認已惡逆。而予罪對我常在。我獲罪獨犯爾。及作惡于爾面前。以影爾言之義。且爾見判時必贏。夫我受孕于惡逆。而母娠我于罪愆。夫爾愛真。以爾智奧晦情。已啓牖我。爾將酒我。以希所薄。我卽潔。爾洗我。我卽白。

過雪。爾將以喜樂。賜我聞。而殘屈骸骨將舒躍。爾
回容于我罪。而塗除我諸逆。天主肇成潔心于我。而
重賦正神于我腸。勿撇我絕爾容。且爾聖神勿奪于
我。復賜我以爾救樂。且以崇神堅我。我以後將爾
道訓逆黨。而悖戾轉歸爾。天主拯吾之天主。救我于
血孽。而吾舌忻揚爾義。主啟我唇。而吾口將頌爾美。
蓋爾若願祭。我必已獻。卽燼爾弗之喜。天主尙之
祭。乃勸靈。心悔心謙。爾視之非輕。主因爾良意。施恩
于削。致柔撒冷城得建。維時義祭。獻與燼爾皆歆。維

時衆置犢上爾台。主賜伊等永寂。而恒光照之。
和誦殘屈骸骨。將舒躍于主。

題主俯聽

聖咏第六十四

天主乎。歌咏于削。以讚頌爾。宜哉厥咏。將於柔撒冷。還
愿祝爾。祈爾俯聽予禱。凡負軀者。將詣於爾。逆輩
之語。已伏吾儕。然爾將必垂憐。吾諸蔑仁之弊。福哉。
爲主所選。而所攜者。彼將居主廊廡。吾等將來滿被
主宮之祥。聖哉爾殿。奇哉厥義。懇祈救吾者天主。俯

聽我等。爾乃遍地。及海遙之望。勇能乃爾繫圍。爾力
堅定山嶽。駭海底。而息厥浪之響。異民將驚。居在
普地諸末者。因爾靈異。將懼。因日旭與日之暮。爾將使
忻樂。爾已顧視其地。潤濕浸醉之。而盛厥豐腴。天
主之江。以水滿盈。爾已備厥食。蓋厥定如是矣。浸醉
厥潦。加盛厥萌。其發萌之時。卽樂于厥諸滴。主。爾將
祝惠然之慈。所施年歲之冠。且爾徧野。將獲豐盛。曠
土之美境。將肥膏。而又山面。以踴躍之樂。將圍。山羊
獲衣。且谷滿麥。其將皆呼號。蓋彼亦有厥咏。主。賜伊

等永寂。而恒光照之。

和誦主。俯聽子禱。凡負軀者。將詣于爾。

題主。爾右手

聖咏第六十二

天主。吾天主。予自清晨。寤向于爾。吾魂已渴慕于爾。吾躬仰望於爾。何其盛哉。予在曠野。無途無潤之地。如在聖殿然。已見爾前。俾予獲覩爾能。與爾威榮。因爾仁慈。超越萬生之美。吾唇即將讚爾。吾於平生。將祝頌爾焉。且以爾名。將舉吾手。懇祈充盈吾魂。如以

膏腴然而卽吾唇。以躍樂之音。將讚頌爾。倘予在榻。已記憶主。必于清晨。默思于爾。蓋爾已扶祐我。在爾翼下。予將忻躍。予魂粘結從爾。爾右手。已接拿我。然則伊等。妄已設計。謀害吾命。彼將投入地心。付于刀劍之手。而爲狐狸之諸分。且王將樂于天主。凡因主名而舉誓者。將被讚譽。蓋言橫逆者之口塞矣。

接念聖咏第六十六

伏望天主。矜憐我等。降福我等。顯厥面容。光照吾儕。而矜憐我等。俾賜吾儕居於世者。認識爾道。而顯爾救

世者于諸異民。天主乎。何幸異民。認識讚爾。何幸萬民。認識讚主。異民應忻舞躍喜。蓋爾以義而判諸民。且以正直。指引異民於地。天主乎。何幸異民。認識讚爾。何幸萬民。認識讚主。地乃已結實厥。天主。我等天主。降福我等。天主降福我等。遍地諸界。幸畏懼之。主賜伊等永寂。而恒光照之。主和誦主。爾右手。已接拿我。

題於下城門

聖咏額瑟記亞歌

吾已語曰。吾生之日。僅已厥中。而吾卽詣下獄之門。吾已尋覓吾歲之餘。卽曰。吾不覩主。天主在于生者之地。茲後再不見人。及住于安息者矣。子代已脫。已收于我。猶牧者茅宇然。子命若由織者被斷。子機之際。其乃剪子。一朝一夕。爾將令子終。子望至期。其乃如獅。碎子諸骸。一朝一夕。爾將令子終。子乃如燕雛。將必呼號。將必默付。如鴿子然。因子仰上而盼。子目則虛。主。子今被強。主爲我應。旣主自己行之。子將何言。主將何應子哉。子以痛苦之心。將憶子生之歲數。

主。倘若人命如是。若子神生。即屬于斯。爾將責我。即使我活。今茲和中。予苦乃至苦矣。主已救我命。免其喪亡。背棄我諸罪。蓋地獄中。並無稱頌爾者。死亡將不讚爾。凡墜幽淵者。弗望爾真實。惟活活者。將讚美爾。如予今日爲之。父以爾真實。將傳厥子。主望爾救我。而即吾儕。平生諸日。將必歌唱吾咏。在于主宮。主賜伊等永寂。而恒光照之。

和誦於下獄門。主救子靈。

題諸品萬靈。

聖咏第一百四十八

請衆自天讚美主。請衆于峻讚美之。主衆天神請讚
主。厥諸德能請讚之。日也。月也。請讚主。諸星與光請
讚之。諸天之天請讚主。天上諸水請讚之。蓋主一
言。而萬有受作。主一命。而萬有受造。永定列品。及世
之世。主已定命。而弗易越。請衆自地讚美主。蛟龍及
諸淵。火雹與雪。冰引波濤。諸風。遵主言而行者。山
岳與諸谷。結實諸樹與責桐。獸與諸牲。進行與衆禽。
世王與百姓。宗長與世讞。幼稚與童女。耄耄與幼

艾俱宜讚主名。蓋巍巍者。惟一主名。上天下地。稱頌厥美。而主已舉己民之角。應歌咏者。乃厥諸聖。乃依矚爾子近主之民。

接念聖咏一百四十九

請衆向主奏新歌。厥讚應在諸聖會中。依矚爾可歡于造己者。削之衆子。可耀于其君。請衆合奏讚主名。並以鼓琴咏頌之。蓋主已悅厥氓。且將舉純良者獲保全。列聖將榮踴。並將歡愉于厥榻。舉揚天主之稱在其喉。而鋒刃劍在其手。爲雪怨於異民。伸懲責

于諸民。縛其諸王以脚鐐。束其顯貴以手扭。使行
已錄之審判。斯乃厥諸聖之榮。

接念聖咏一百五十

請衆讚主。于厥諸聖。請頌之于厥德之堅基。請讚主
于厥德能。請頌之依其弘大之豐。請讚主于號器。請
頌之于二十四絃琴。請讚主于鼓會。請頌之於多絃
琴。及於風管。請讚主于美音諸瑟。請頌之於歡躍之
琴。諸品萬靈。俱應頌主。主賜伊等永寂。而恒光照之。
和誦諸品萬靈。今應頌主。

啟自天子已聞聲。其語子曰。應福哉。死於主者。

題予乃復活

聖歌 匝加利歌

視兮天主。依矚爾之主。爲其已顧。並贖厥氓兮。且爲我等。已啓保全之角。於厥役達味之室兮。依厥歷代。藉聖先知之口。而諭者兮。救拔我等。脫吾諸讎。及凡憾吾者之手兮。爲施仁慈。與吾列祖。而憶厥聖詔者兮。昔已誓許與吾祖父亞巴郎。將給吾輩者兮。俾脫吾敵之手。毫無恐懼。恬然事之兮。使我終身。以聖

以義侍其臺前兮。且爾孩童將稱至上之先知。緣爾
將先主面預備厥道兮。爲授厥岷以保全之學。俾獲
其罪之赦兮。賴吾天主之慈懷。致自上旭者。俯顧吾
儕兮。耀彼坐諸幽冥及死蔭者。正直吾足。遊太平之
道兮。主賜伊等永寂。而恆光照之。
和誦予乃復活。及性命也。凡信向予者。雖死猶將活。且
凡生活。而信向予者。永不死也。
在天我等父者。云云。其餘默念。啟又不我許陷於誘
感。應乃救我於凶惡。

接念聖咏一百二十九〇此聖咏或誦或不誦當見七十四張規模
主。予自深幽籲號爾。云云 見七十七張

啟主。賜伊等永寂。應而恒光照之。啟主。拯其靈魂。應於
下獄門。啟望伊等息止安所。應亞孟。啟主。俯聽我禱。應
而我號聲。希徹於主。

請衆同禱。云云 照暮課後更改祝文念畢卽誦

望伊靈魂。暨衆先亡。信輩靈魂。賴天主仁慈。悉獲安靖。
亞孟。

亡者日課經終

煉靈讚美經

第一台 爲已亡信輩或在壘期或在他日誦

聖號經 天主依爾大仁慈云 見九十九張

讚美耶穌哀憐之德。求天主的慈悲爲耶穌的功勞。並爲聖母及諸聖之轉達。矜憐已亡某靈魂。全赦其罪。賜之脫免煉刑。早享永安。 申爾福云 餘做此

讚美耶穌苦難。讚美瑪利亞痛苦。求耶穌瑪利亞將爾諸功。分散與已亡某靈魂。賜其平生所願大赦。早享永福在天。

讚美耶穌五傷。求耶穌五傷。醫好已亡某靈魂之傷。
讚美耶穌十字聖架。求耶穌以爾十字聖架之美鑰。啟
闕天堂之門。俾已亡某靈魂。早能進入。

讚美耶穌聖心煉靈之仰望者。求主以爾聖心之愛。憐
憫已亡某靈魂。息其苦難。施以安慰。賜其所望。與爾聖
心。結合如一。

煉獄禱文

啟天主矜憐亡者。應基督督。矜憐亡者。天主矜憐亡者。
啟基督督俯聽亡者。
應基督督。垂允亡者。

啟在天天主父者。

應矜憐亡者。

贖世天主子者。

聖神天主者。

三位一體天主者。

矜憐亡者。

聖瑪利亞。

爲亡者煉靈祈求。

天主聖母。

諸童身之聖童身者。

聖彌額爾。

聖嘉俾厄爾。

爲亡者煉靈祈求。

聖辣法阨爾。

第九品及八品諸天神者。

眞福諸天神者。

聖若翰洗者。

聖若瑟。

聖教古祖及先知諸聖者。

聖伯多祿。

聖保祿。

聖安德肋。

聖雅各伯。

爲亡者煉靈所求。

聖若望。

聖多默。

聖雅各伯。

聖斐理伯。

聖巴爾多祿茂。

聖瑪竇。

聖西滿。

聖達陡。

爲亡者煉靈祈求。

聖瑪弟亞。

聖巴爾納伯。

聖路加。

聖瑪爾谷。

諸聖宗徒諸聖史者。

吾主諸聖徒者。

諸聖嬰孩者。

聖斯德望。

聖老楞佐。

聖文增爵。

爲亡者煉靈祈求。

法俾盎及巴斯弟盎聖人者。

聖若望。

聖保祿。

聖葛斯默。

聖達彌盎。

聖熱爾瓦削及聖玻羅大削。

爲天主致命諸聖者。

聖西爾物斯德肋。

爲亡者煉靈祈求。

聖額我略。

聖盎波羅削。

聖奧斯定。

聖熱羅尼莫。

聖瑪爾定。

聖尼各老。

諸聖教會諸聖精修者。

諸聖教會諸聖大師者。

聖安當。

聖本篤。

爲亡者煉靈祈求。

聖伯爾納鐸。

聖多明我。

聖方濟各。

諸聖主祭、諸聖副祭者。

諸聖會修、諸聖隱修者。

聖女瑪達肋納。

聖女亞加大。

聖女路濟亞。

聖女依搦斯。

爲亡者煉靈祈求。

聖女則濟理亞。

聖女嘉大利納。

聖女亞納大西亞。

諸聖童貞女、諸聖節婦者。

天主諸聖人、諸聖女者。

爲亡者煉靈祈求。

望主垂憐。

主赦亡者煉靈。

望主垂憐。

主允我爲亡者煉靈祈求。

於暫罰之獄牢。

主救亡者煉靈。

主救亡者煉靈。

於煉火之猛烈。

於往之穢汚。

於離主之痛苦。

爲主降孕爲人之奧。

爲主臨格人世。

爲主聖誕。

爲主受洗及主聖齋。

爲主十字聖架及主萬苦。

爲主死且葬。

為主聖復活。

主救亡者煉靈。

為主靈奇之升天。

為施慰聖神之降臨。

於審判之日。

主救亡者煉靈。

罪人等求天主子者。

主俯聽我等，祈救亡者煉靈。

天主耶穌，除免世罪。

主赦亡者煉靈。

天主耶穌，除免世罪。

主允我為亡者煉靈祈求。

天主耶穌，除免世罪。

主憐亡者煉靈。

啟天主矜憐我等，祈救亡者煉靈。

應基督矜憐我等。所救亡者煉靈。天主矜憐我等。所救亡者煉靈。

啟基督俯聽我等。所救亡者煉靈。

應基督垂允我等。所救亡者煉靈。

天主經一遍

啟望主垂憐俯聽我禱。

應而我號聲希徹於主。

請衆同禱。全能無始無終者天主。諸信者之常安。懇

祈俯聽我等。爲已亡諸信者煉獄靈魂。伊等在世所犯諸罪。祈主一切賜赦。以主仁慈。賜之安所。登之天堂。以享榮福。亦惟爲我等主。爾子耶穌基督。偕爾

偕聖神。世生世王。亞孟。接念求主救吾於永云云。

第二台

公審判詞

世界燬期。震怒日兮。達味媳嬖。互相証之。
審判生死。將臨之際。詳詢德隱。顫慄至極。
號筒響逼。四方八極。墓內蒼生。座前營集。
靈復原身。答主判訊。死與本性。不勝駭驚。
將啟巨冊。詳細錄列。普世善惡。各被斷決。
判主下降。威坐位上。諸隱顯然。無一逃譴。

吾子遺人。茲訴何呈。義士不穩。求誰保身。
威儀主君。惠然救人。伏乞救吾。爾乃仁泉。
慈主耶穌。請憐念吾。爲爾途故。末勿亡辜。
主昔覓我。疲倦歇坐。釘死救贖。毋負苦楚。
判主至公。福善禍兇。審判之先。乞施宥弘。
犯人嗟嘆。羞慚滿面。呻呼苦訴。祈主恕免。
因主昔恕。瑪利亞婦。並允賊求。令予仰慕。
我禱不堪。獨靠爾憐。祈主免吾。永被燒燃。
綿羊棧內。容於居位。別於山羊。置主右隊。

既貶訶羣。投猛火坑。招予偕善。共沾永禎。
予心伏地。心痛悚至。哀懇俯憐。顧予末際。
灰中犯羣。將合原身。同赴審判。彼日慘深。
仰惟吾主。仁慈耶穌。宥衆夙犯。錫伊安舒。 亞孟。

讚美耶穌普世之光者。懇祈耶穌。施仁慷慨。以爾永亮
之美。光照已亡某靈魂。賜之脫免黑暗之苦。並享光明
之樂。

讚美耶穌愛吾人者。求耶穌哀憐已亡某靈魂。以爾寶
血。息其所被煉獄之烈火。而恩賜之蔭涼之處。

讚美耶穌廣賜宥赦。而愛人安者。祈爾寬容。恕宥已亡。
某靈魂之罪。賜以永安之所。

讚美耶穌善牧者。求主憐視已亡某靈魂。其乃在世。爲
爾羣內之羊。懇爾賜之。與爾諸聖爲侶在天。

讚美耶穌諸聖之樂者。祈主仁慈。安慰已亡某靈魂。俯
聽其悲號。息其傷慘。改憂爲樂。

第三台

主予自深幽籲號云

見六十張

讚美耶穌信衆之賞報者。望主寬恕已亡某靈魂。免其

諸罪。既爾賜之信德之功。在世懇爾與之信德之報。在天。

讚美耶穌諸聖之冠者。祈主哀憐已亡某靈魂。令其脫免離主之痛苦。賜之見爾聖面。偕爾共樂在爾天國。

讚美耶穌復活。懇祈耶穌。恕宥已亡某靈魂。俾其在子榮光之復活。偕爾諸聖。合享永福。

讚美瑪利亞痛苦之滄海者。懇祈聖母。憐視已亡某靈魂。將爾平生內外諸苦。爲彼奉獻于主。俾其脫免煉獄諸刑。

讚美瑪利亞基斯當之母。伏祈慈母。哀憐已亡某靈魂。

在難中者。與之早見爾胎子耶穌。俾其偕爾享福。而卽
永遠謝爾。

爲新亡嬰孩領洗而卸世者。或在壘期。或于他日。誦
讚美耶穌嬰孩。嬰孩之救者。感謝耶穌。立功以救新亡
嬰孩。某靈魂。求諸無罪嬰孩。轉達天主。俾諸嬰孩。可領
洗者。個個都得領洗的恩。

讚美耶穌慈悲。讚美耶穌施仁之德。感謝吾主。賜與新
亡嬰孩。某領洗的恩。謝主早收其靈魂。免其落於世汚。
而雖無本功。賜之常生之福。

讚美耶穌寵愛聖潔者。謝主恩召新亡嬰孩。某靈魂赴於天國。祈主憐憫我等。賜以效法在世嬰孩之美潔。死後在天。偕爾福童。共享榮樂。

讚美耶穌諸聖之樂者。感謝耶穌。賜與新亡嬰孩。某靈魂今日享見天主。與爾同樂。祈賜我等死後相見。而永爲伴。

讚美瑪利亞嬰孩之大主保者。感謝聖母。已蒙天主的恩。救新亡嬰孩。某靈魂。望爾轉達天主。賜與我們。救嬰孩靈魂之熱情。

聖教禮規卷四

婚姻要旨

按聖會典謨。述婚姻要旨。約歸于三。一、使男女各一。配合爲偶。互相守信。不二其心。苦樂均分。除死方休。二、俾夫婦蕃衍子孫。世代克昌。直至世末。常有敬天主之嗣。不乏明哲之士。三、爲節制人慾。約之以理。勿致徇私妄爲。而招罪累也。况婚姻一宗。不特爲五倫之首。及男女終身之關係。更爲聖會七秘跡之一。固宜小心。不可苟且而行者也。茲將會典要款。拜誦禮

節約陳數條。開列于后。俾衆聞之。而得自戒也。

婚姻要款

一、凡聖會之人。宜議親嫁女。務須欽遵造人物之大主攸定良規。令男女二家。本人情願。方可成親。倘有不情願者。雖父兄強逼。不成夫妻。爲父兄者。各宜自慎。毋招主怒。並遺怨恨也。

一、凡父母。不得隨俗。爲其兒女自幼定親。須待男女已滿七歲。畧省人事。方議婚姻。然議婚之後。待到男者十四歲已滿。女者十二歲已足。此時若其或

彼或此。不願相配。當速報明。隨即改親。而另嫁娶。二家父母。永不得抗逆。生端滋事。而卽議親之時。必須其人。依聖會所定。庚帖之模式。書寫兩張。交與男女二家。庶免種種不虞之禍患。

一、凡父兄。爲其子弟。小接幼女。素稱閒房媳婦。此乃敗俗之流。屢遭羞辱。敗其門風。聖會諸友。慎勿效之。致辱教名。若果萬不得已。事未成全。須將真情。稟明鑿德。而從其命。試其准允接之。此時爲父兄者。固當小心。防備二人。查其往來。免其陷于誘惑。

而迷於邪。故彼二人。年紀已滿。必速使之爲婚。不可遲延。不然。其罪歸于父兄。而實難逃其罰。

一、凡諸信輩。結婚之前。務須勤習問答所載婚姻道理。及其阻革。而力行之。俾衆盡免錯婚之累。勿致自招天主之義怒。而冒永殃。勉之戒之。須至最者。勿言不知。

一、凡主婚與媒人等。各當誠直辦理。不許妄冒隱瞞真情。故此定親之初。倘有不明之端。可疑二家從之與否。務須兩家明白通知其事。以定行止。切勿

曲情受賄。失快二人永久大事累及本身。並招永禍。

一、凡諸信輩。欲受聘者。慎勿過節。貪戀虛華。逼迫男家。至於蔑仁負義。遺留怨恨。並壞教名。故於定親之始。務必約明。依義直斷。定其財禮。寫單約爲據。而後總不得異言。

一、每遇婚姻。疑惑難處之端。務須稟明本會鑒牧鐸德。聽其裁度。勿致自專。而陷於羅網矣。

一、凡諸信輩。聘定嫁娶之先。務宜呈明本處會長。嚴

查其事。稟明鐸德。依其裁度。定其行止。庶免冒犯會規。

一、凡諸信輩。蒙恩領洗。而謀成婚者。成婚之先。若獲其便。二人務必恭請鐸德。降福其婚。不然。雖彼二人果成夫婦。勢必不免死罪之污。倘若時勢無奈。可先成婚。然後依時之便。宜請鐸德賜祝。以補婚姻之禮節。

一、接親嫁女。二家慎勿隨俗。妄行異端邪術。如看八字。擇年月。探吉凶。上梳坐斗。開路鵝禽。掛刀懸葦。

唱淫歌。鬧臥房。及諸無耻之端。概不宜行。且又不宜隨俗。時用紅黑二色之絲帕。以遮新婦之面容。倘欲遮之。可用他色也。

○接親行禮式

一、新人接至廳前。衆親友分列左右。平身站立。內戚堂中鋪毡。在祭臺上。燃黃蠟燭兩對。

一、內戚往開轎門。引新人詣堂中。俱分左右觀顧。新郎新婦。二人行禮。會長讚禮如左。奏樂

新
婚
者
同
詣
堂
中。
叩
拜
天
主。
序
立。
就
位。
整
肅。

鞠躬。首伏。欽崇天主惟一至尊。叩首。興。次
伏。敬天主至聖聖三。一叩首。二叩首。三叩首。
興。亞伏。請讀婚姻告文。維

大清光緒○年○月○日。敢昭告於祝兮聖三。父子聖
神。三位一體。全能天主。自有真神。肇造天地。化育人物。
既於世初。親造人祖。男女各一。而定伉儷。爲五倫之首。
迨主耶穌降世爲人。復舉婚姻。立爲秘跡。示主與聖會
永結之妙。今基斯當
或罪人某因于先年。請媒說允聘定。○門○
女爲偶。茲逢媾期。敢當聖會之面。昭告于天主臺前。彼

此明認同心意合。實願至終。配爲夫婦。伏祈吾主。堅穩此志。祐彼二人。清吉平安。互順主命。頌揚主名於世。世亞孟。念畢 與。新婚二人。轉身交拜。相認爲夫婦。鞠躬。 禮畢。平身面向祭臺。樂止。

請衆誦經

聖號經

祝兮聖三云

見經課五張

我信全能者云

見經課六張

對文

依臘爾主神。締結爾等。昔憫二獨子之主。偕與爾等。望

主賜伊完滿主讚。

聖咏一百二十七

福哉畏主。由厥道者。汝手之勞。惟爾自食。福致爾兮。
 幸致爾兮。汝妻若茂葡萄。立於爾室之側。汝子似
 阿里瓦萌芽。侍圍爾席。承若斯祝者。惟畏主人。望
 主自削祝爾。俾汝平生。覩柔撒冷之祥。並見汝子若
 孫。而觀依臘爾。樂享昇平。榮應歸父。及子。及聖神。
 永若茲。於原始與今時。及世之世。亞孟。
 主。堅穩此攸行。於吾間之工。自主聖殿。在柔撒冷者。

天主矜憐我等。基斯督矜憐我等。天主矜憐我等。

在天我等父者。云云。其餘默念。啟又不我許陷于

誘惑。應乃救我於凶惡。啟天主保全爾婢僕應伊等乃獨

靠于爾。啟主自聖所降之以弘祐。應並自創護之。啟主

爲我等勇毅之敵樓。應以對敵讎。啟主俯聽我禱。應而

我號聲希徹于主。

請衆同禱。伏祈吾主。眷顧斯婢僕某。亦爲主慈。憐視主

攸定。蕃衍人類之例。俾奉主命而配合者。賴主弘庇。

並獲安靖。惟爲吾主耶穌基斯督。亞孟。

仰惟吾主。云

因父云

經完

奏細樂

新婚姻者就位。

整肅。

鞠躬。

伏。

謝拜耶穌五傷。

一叩首。

二叩首。

三叩首。

四叩首。

五叩首。

興。

禮畢

平身退位。

奏大樂。

支賓者迎賓待坐。

庚帖模式

荷承 第幾男

主造於○年○月○日生
女到十二歲滿不拘何故若其不願為親立即必向男家報明其事而後隨女自便彼時男家不得強娶為婚亦不得阻女家自便

於光緒○年○月○日憑媒証○人說合
日後一家不得異言

逼以接亦不得阻男家自便

主造於○年○月○日生
而後隨男自便彼時女家不得強願為親立即必向女家報明其事男至十四歲滿不拘何故若其不

荷承 第幾女

一報期模式照單欸抄寫不可錯亂

厥初

天主造成天地萬物。次用土造人。男名亞當。女名厄襪。配爲夫婦。主特寵愛。賦其靈性之能。相傳本類有繼續不息之恩。爲普世萬民之原祖。

荷

主耶穌親立秘蹟七旨。給以聖而公會。永爲首務之任。

今行遵七蹟之末。

翼嗣享八福之榮。

承蒙

大碩德老親翁

若父親亡故不用此句即改大淑德老姻母

不嫌寒門貧

陋。

願締一助之戚。

宴樂六罇之賓。

允

令媛以小兒。諧百年之佳偶。逆旅相助。同趨天國者。
於今定於○月○日。茲呈六禮肅備彩輿。躬迎于

歸之喜。成全人倫衍裔之歡。

聊具不腆之儀。

兼忱仰祈鑒納。

俯賜

玉諾。曷勝榮感之至。

謹此

恭報

預聞

光緒○年○月○日

書

忝眷姻弟○○偕室○氏頓首正容拜

三代拜帖

姻眷晚生○○頓首拜 姻眷教弟○頓首拜

姻眷世弟○○頓首拜

次報期模式

伏以

全能主立婚姻。爲衍人生正淨法。
極智神施配偶。以傳賢聖寵恩宗。

恭惟

大碩德尊親翁大人閣下。巨室貴族。體
上仁慈慷慨厚錫。弗棄弟之寒家微族。
曩聽媒妁允一二心。廣惠顧盼。
荷蒙明哲。誨其令媛。積修淑德。昭彰

蓬門俗徑。年當受室。望允諾重千金。

今茲特因獲便定期於○年○月○日
采之敬。屑承不腆之儀。

受申納

伏冀

鴻度優容。愧甚幸甚。

謹此


恭報預

聞

光緒○年○月○日 書

書

名正具



聖教禮規卷五

詩對匾額小引

聖保祿宗徒訓誨其弟曰，弟莫寶乎，慎哉以守聖託矣。凡屬新文，與敗俗之言相似者，爾速遠之。凡係虛學爭辨之語，亦勤避之。聖託何也。此乃天主所付聖會信德諸端也。當勤以守之，不至玷辱其位，失落其路。或亂易其古文也。嗚呼嚴哉。此寶諸美亦託於我也。可怠於守，可賤其貴乎。故吾以滿我任，特修此書，望衆信輩遵之，而無逆焉。照得在茲，論對聯單條等

詩句字樣，信輩或犯信德，而落於裂教之禍，或雖存信德，但因不明其理，故亂書詩句，引至多謬，而招異教之瀆也，以免此害，而廣信德之榮，特余立規法數條如左。

一、凡屬對子單條等字，而未明載此書內者，雖其並無裂教，或他錯謬之累，一概革除，不許信輩貼之，或是往年貼的，亦不許留之。

一、自今以後，凡係鐸德，全無有權以許其事，但遇格外緊急之大緣，許其暫且寬容之，而後速稟鑒牧。

俟其定奪。

一、倘有信輩抗逆不從者，此時大緊要事除外，不許鐸德進入其屋，況不許之獻於其中，彌撒聖祭。

一、凡屬對子單條等詩，不許用草字書之，惟許真字而已。

一、凡送詩句以慶他人者，勿寫爾名在上，恐遇風波，爾等因此被害，而悔不及也。

萬 有 真 原

主牌

無始無終真主宰

肇造天地人物真主神

宣仁宣義大權衡

主對

- (無始無終先作形聲真主宰)
(宣仁宣義聿昭拯濟大權衡)
(無始無終以己全能宰萬彙)
(至仁至義統諸美德育羣生)
(學海無窮知法耶穌斯獲本)
(天堂有路習持仁愛此爲宗)
(信望愛欽萬美主)
(從祈讚畏至尊神)
- (救世慈恩及普地)
(耶穌聖號透諸天)
(掌握乾坤莫匹主)
(權衡禍福極威君)
(善惡兩途由我蹈)
(祥殃一案在神權)
(救主慈顏人類慕)
(耶穌聖號魔羣驚)

耶穌對

（降生立表布真訓以其諸艱做贖人類寶價
捨命救羊作義犧留己聖傷常爲衆信干城

（初人亢命失真光累已後裔概爲魔僕
聖子降生除黑暗施身救世恩賜蒂宗

（聖子仁恩欲救己民滅死勝魔奏凱主
耶穌慈惠施祥其役光榮出墓永生君

（自有真神體一位三原莫像
（無始布仁爲有始
降生慈主性雙位一始爲人
（有終領惠作無終

○世罪難容常致懲甘受暫罰
○神恩拯濟諸愆脫逐免常刑

○上天榮頌達尊主
○下地安和歸義人

○神服慄刑震動乾坤顯慟泣
○主承奏凱振提衆信享歡忻

○自謙順命服刑死
○榮耀復甦享永生

○降生立表布真訓顯福明路
○捨命救羊作義犧開仁大衢

○滅死勝魔奏凱主
○光榮出墓永生君

○言於人性給怡開永蒂
○儼以聖姻配愛待恒和

○人愆壞地喜逢天匠補
○魔設深坑幸遇聖工填

聖母對

敬天主恪遵其誠
效懿母恒防己私

聖教雜對

結約櫃中藏美德
黃金殿內蘊慈恩

是門天上路恒行莫止登天可望
斯道聖人基切慕無休作聖何難
善歸原本克身正志除愆畏永死
道貫天鄉賤己輕財遠俗求常生
三仇如世網堅志避網驅危免陷

十誠作天梯努力發梯勝苦趨升

世道貴三才不詢三才自何原始

儒門重五常無稽五常由誰政通

獨居昏仆無朋拯拔慎思恐爾獨

羣坐陷非有俗媚詭恂語防人羣

攻書好日習彌好伐好非好獨謙稱好

創業難恒守愈難知難不難惟勝是難

修世業勞甚益虛增二百失

耕心田軛甘資實種一千收

俗魔慾萬計當避

信望愛諸德務全

○智節勇宜無失則非忝我學

○思言行事獲中方不空吾生

○攻私忤俗防魔計避邪真法

○篤信廣仁持望勇登善妙方

○警因乏目視狂言沒日

○世以廢明智懵思無魂

○見財如糞土貪莫路進

○嗜義若殺饌愚無由攻

○勿恃爾才肉智含千謬

○欽主愛人真福本

○除私遏慾陟天梯

○敬主存誠無別向

○寬人去僞立真功

○冀造天衢須克己

○期登聖域貴忘吾

○信望愛欽積德本

○謙和忍讓累仁宗

○重財輕義是衡詐

○惟從主道福音破萬疑

○進德如登梯謹行毋疾

○遇邪若見蟒恂避速逃

○金無擇地是精卽謂寶

○道不拘方如正必云真

○勿愁來患勤擔現任足

○速悔往愆怠恃後興虛

○世財如僞友安從患廢

○姪樂似甘比始怡終瘳

○勤士緩靈厥勵虛

○狗淫陷慾劣人疵

○習傲抑謙虐鬼瘋

○幻世祿財終有盡

○天鄉榮福始無疆

○人生促獨死稱久

○世樂虛惟苦乃真

○鑿如盜近人謀殺

○節若友祛敵保生

（出易染邪汚耳目難禁

入難忘聖業情思易收

（幻世浮榮不足滿人願

天鄉永福方能充善心

（君子不因外患改其樂

小人弗據內榮輟乃憂

（行善要基謙做首

累仁積德愛爲宗

（夢醉狂人言悉實

（三仇敵勝非人力

十誠堅持賴主恩

（恒憶死臨永免咎

常思德遠日增陞

（慎朋謀苟詔休信

謹佚樂非永是虛

（向前勤視後心怠

遊外苦居裏味甘

（僞德速移真永定

巧貪傲輩情皆虛

善能超性由三德

福致充心藉八端

視利以行行不義

徇私而友友非忠

始急增財終庫乏

今謀盈腹後心虛

畏勞緩舊厭登弊

去阻勤新勵進功

真饑易治嗜難醫

視生莫永恒時慘

憶死至臨每日藏

終日滌污寐獲靖

平生樂善死無憂

能純性慾方修道

不勵心身枉入門

克己七功謙做首

透天萬績愛爲歸

○心懦怠修隕必邇

○志強奮進德成高

○欲居衆後意恒足

○冀住一前心每空

○微火不除竟室燼

○輕尤弗克漸心恣

○謹慎謙仁無限樂

○純良孝敬壽綿長

○靜室斂心隨處樂

○璃雖光美匪真玉

○鏞似濁汚乃寶金

○潮水恒流山自靜

○信根堅定俗難移

○所不宜貪俱勿視

○果真當務盡忙興

○宇宙無靈顯至巧

○山川似覺示全能

○信望愛全諸善備

羣居守口免多災

一句閒談必有詰

千般雜念豈無懲

欽主愛人天直路

克私寡欲登梯方

富有千金如夏雪

貧無一鐵亦春風

談道誨人常事業

修身克己平生功

俗魔私始衆愆興

恪守十規無限福

恒修七克有餘忻

善爲寶玉一生稼

心作良田萬世收

女織男耕各盡分

內修外製莫閒居

靜聽世言知曲直

恒觀人向識虛真

○壽至耄年人罕有
○長生不老世全無
○畏罪須當怕死候
○善修切莫待衰年
○門外無花悅友目
○堂前有道樂賢心
○良農勤勉勝荒茨
○善弟累仁除咎愆
○前歲既亡悞謂有

○信友嗜仁論道德
○賢賓好學追神宗
○謙忍讓人真學問
○愛仇輕己大神方
○勤除私見可修道
○怠勵心身枉入門
○勉勤卽是安家本
○謙忍真爲處世方
○持義戒貪積德利

平生獨廢寶云無

富厚百旬一夜夢

神修片刻萬年勳

顯尤責己恐謀譽

隱德習謙始免欺

爾人已弗克遺己

彼爾似何思異人

器大且充無應響

人謙而實弗喧聲

克私寡欲保心身

厚食己奴招忤逆

豐衣本體引邪攻

有寶示人真誨盜

獲功顯世自行傷

七克正修無惡進

三仇恒負莫危攻

花香限近德香遠

世味泊粗道味長

不冀黃金滿我室

增金毀義富難救

惟圖真道濟諸家

登位喪仁名易消

居世無才不自愧

冀登人上傲迷甚

省身有過乃予憂

甘屈衆前安樂長

衣食無餘我意足

甘忍暫饑備永飽

懿仁不及自云空

寧居小位積多安

虫以木生而害木

持私輒向恒居險

傲因功始竟傷功

惟命是從永獲安

子有善毋誇屬己

愚富謬言人讚嘻

人爲患卽慄防私

賢貧哲語衆云何

歲算善全千壽考

祿壽名財貪傲趣

命長德淺百年孩

觀祠寺廟邪魔工

遺子多金恐嗣放

傲因富始竟消富

示孫諸德必家豐

忍以艱萌終滅艱

先明後誨導無謬

克邪耐苦毅心式

首德次言語莫空

捨己從賢智德稱

蠢獸疑危弗取餌

謙居善策冀高險

淫人視險何投凶

貧坐忠謀恃富虛

○詈如炎散勿勤避

○非親有義務相近

○自爲內証難文罪

○是友無仁慎勿交

○獨特外裝易蔽愆

○豐亨利達小人意

○足尙有餘勵儉寶

○仁溥義公君子心

○餘而不足富貪殃

○盜財不償惡無宥

○以需度取貧充足

○餘寶弗施善莫興

○因欲量財富乏空

○悒貪似富未嘗富

○濟貧似授而眞受

○儉足像貧莫見貧

○爾愧無財勿自愧

登富像皇乃是荒

人貧有德不能貧

事順身安德似盛

忍德遇難彌進上

道難意慝忒如盈

海舟值浪愈親天

遇逆怨尤當兩難

損罇被剝方除鏽

遭殃謙忍立千功

逆子遭殃始易愆

發矢莫端安獲中

黃金入煉愈增潔

張弦不直則無音

善士遇艱彌益功

止嗜減殮易飽飫

事逆事從敷聖教

狗婆求味獨增饑

或行或拂憑人心

○微埃入目人忙疾

○德因濟世方稱大

○巨惡汚心爾曷留

○道至尋源始見真

○蜂口甚甘尾乃毒

○勤習守門能保室

○譽言始味卒奚傷

○弗知禁目焉存心

○知足儉寧之所嗜

○鋤却胸中三徑賊

○貪財浪意越攸需

○調和心上十絃琴

○存心守十誠

○觀面視其外

○世態有寒暑

○克欲敵三仇

○聞言知乃心

○道原無古今

○順私安順理

○知終能善始

○靜坐常詢己

○從衆焉從賢

○忘死必虛生

○閒談莫判人

聖教匾額

持忍自安	攻斥異端	畏邪過賊	純含萬美
生時積德	信望愛敬	眞福路狹	恕宥敵仇
返本追原	居內心甘	去僞存誠	毋惑于俗
輕己貴衆	伏傲習謙	勉積功勳	恒自省惕
出危入安	理氣非宗	眞學玄書	黜邪從正
重義輕財	吾旅暫居	正道惟一	恒善免殃
存內守外	善除世迷	理無太極	門通正道

宣仁施生 嗜義如饑 天何物哉 五福非祥

守死善道 浪談宜禁 嚴絕異端 恒持美志

厭囂忻默

聖教單條

○勤務驅邪先伏身。火炆焱烈勿增薪。腹充志潔罕聞有。減味苦修易慕貞。

○富因枵腹飫充難。愈飽彌饑焉獲安。既欲尋方免後慮。勿謀增利並除貪。

○富貴榮華似閃電。隨風掃動霎時變。臨終忽至必全

丟奉勸人昆枉慕戀。

○謀財冀富何能安。勞聚苦留矢萬難。知足免貪無所慮。畏窮慕利勤遺寒。

○世福不全苦在場。妻財子祿竟無常。厥中一變心隨痛。可見真祥在異方。

○少年子弟好輕狂。傲怠奸情滿腹藏。待至諸愆已敗露。形靈兩悞永遭殃。

○惜乎普世慕花香。心戀芳菲不久長。日晒風吹頃刻卸。老松穩立永安康。

○怒氣觸心頃刻癩。無客慙毒捐衷恬。彼徒咒詈惟傷己。含忍怡當爾德賢。

○歲月如梭催我老。尋思往大何時了。臨終始悔歷年愆。莫若今朝遷善好。

○行善如舟上險灘。挺身努力莫空閒。恂恂慙慙慕登岸。恒毅至終享永安。

○人性求安不識方。子財祿壽非禎祥。蔑仁喪義積凶禍。欲福臨門勇自藏。

○天地雖牢有盡戕。人生在世焉能長。名高財厚究終

卸。聚德恒修。耐莫疆。

○逞雄誇智人常情。負義順私大衆忻。知悔習謙罕見有。賢君是覽自驚深。

○每遇花心藏細虫。暗飛鼻孔毀人容。年深月久無方治。戀世虛華是乃慵。

○心貧志氣最清高。不與文章結富豪。試問天梯何法上。持謙抑己步恒牢。

○英雄好勇逞才能。捨己從人似不輕。事及完全真假著。方知謙遜果真金。

○同胞手足如珍寶。田產金銀恰似草。長幼相和家道
丰。兄寬弟忍生平好。

○才智英雄幻世美。臨終捨棄方知悔。修仁秉義心自
安。永福無疆趁早累。

○幼稚弗思仁義貴。青春一去始慚愧。勤修德業看年
耄。至老心寧莫自恚。

○日月如梭上下旋。光陰似箭莫空閒。世人強伴爭名
利。盍慕天鄉永久安。

○事有定規物有界。稍離根本卽當戒。些微過失趕忙

遷。錯及其全枉自怪。

○困苦緣由是罪惡。人生在世莫逃脫。帝王卿相不能除。士庶黎民何怨怵。

○浮世幻榮莫滿心。惟希天祉充吾身。恩榮酌彼善人義。偕主聖羣共悅忻。

○奉教賢君就此席。爭長論短休提及。讒言敗露隱藏愆。暗箭傷人可厭極。

○日落西山又轉東。吾人卸世莫歸空。勸君慎備累多善。妄費平生死候凶。

○人世忙忙如閃輝。光陰速速似雲飛。本身緊務沒時辨。豈有閒心理是非。

○良言勸化正親友。彼此叮嚀緊守口。心靜慎言德可誇。放流於舌招訛陡。

○日月兩輪快若梭。光陰四季時時那。世人強伴爭名利。盍慕天鄉永泰和。

○前人作惡招災禍。近世黎民弗認錯。待至奸尤盈滿心。形靈兩悞莫逃過。

○江河易變心難改。久染成風莫自解。幻縱私情任意

爲老來志乏永存歹。

○思言舉動勿輕狂。交接親朋莫選強。先善後文真學序。賢愚有德登天鄉。

○性急慌忙惹禍端。或行或語要心寬。他將巧計慕生恚。我易愁腸作喜歡。

○成聖始期在少年。光陰如寶價高懸。幼時肆惰老無趣。妄費平生孰宥憐。

○經營貿易古今同。爲運錢財四海通。僞貨充真常有此。各守良心切莫從。

○處世謙和鄉黨欽。行爲舉動莫狂輕。常遺善跡留人步。望救彼靈勝捨金。

○甘貧無怨是良方。遠避三仇萬刃鎗。縱有利名難勝我。專心仰慕主天鄉。

○銀錢本是魔鬼餌。內蘊刃鉤誘衆嗜。豈料智愚投網羅。方知後悔難舒翅。

○教友常言主算賬。禦防召命卽時殞。各人領本一般多。無息憂愁獲利暢。

○三教人言是一家。夷蠻拉扯共中華。僧經道懺儒文

字。執業行爲各自差。

○人生碌碌苦蹉跎。貯積金銀有幾多。終歿一朝臨到爾。問君帶去意如何。

○舍利頭光却似瓜。輪迴六道哄中華。爾身轉劫是何物。恐係驢牛及牡獬。

○貪財心腹若虛空。金嶺銀山豈易充。斂至終時尙未滿。寄言智士莫相同。

○日月往來西復東。千年壽考有時終。平生檢點思嚴判。改惰遷勤勉立功。

○讀書人望做高官。位至三公甚喜歡。身近帝王名爵顯。猶如睡夢霎時完。

○人心恰似一坵田。每遇春來草自芊。欲得嘉禾勤去莠。望取美稻獻主前。

○善表猶如黑夜燈。迷人借亮共趨前。常將正理垂人愛。望救彼靈亦在天。

○甘苦原從主賜來。吾人領受要歡懷。怨情不發爲眞信。可望天鄉永福諧。

○相傳救世事無疑。所許天鄉各待期。萬有萬超至善

上常將欽畏懇仁慈。

○聖日虔恭奉慶期。心田草匪要勤犁。巨樑入目忙求釋。望治靈傷天藥醫。

○立志向前莫畏苦。三仇雖猛有勝處。明知懦弱己無能。惟仰耶穌救我主。

○習善幼童步聖踪。虔心敬主學謙恭。隨時哀懇神弘祐。遠避三仇勉立功。

○堅持信望愛神心。晝夜常懷恐懼情。舉動恒思主鑒察。羣居獨坐緊防身。

○難中尋友無方得。趨赴耶穌苦像側。五內寬舒焦慮消。毅然甘受免人惑。

○時存愛慕耶穌心。坐臥常懷恐懼情。晝夜忖思主鑒察。羣居獨住謹防身。

○欽崇惟一至尊神。痛恨往愆務自新。克七罪宗習十誠。恒由斯道永安寧。

○善惡由人各自積。祥殃有主公施給。勸君勇改勿延遲。禍患臨時悔不及。

○平生渴慕永常業。正直良心習道德。勤守衷情恐染

愆。甘嘗斯味遠諸慝。

○每事求安無處獲。奔投吾主五傷隙。心身俱慰樂無憂。何畏三仇千萬策。

○火煉真金苦煉德。見愁心樂人豪傑。遵吾正道不辭薨。爲義忘生成聖哲。

○奇頌慈寬憐厥氓。以其親子做吾兄。施榮增福莫能比。天國從斯乃我雍。

○全能卑下至羊圈。甘做嬰孩除偽奸。涕哭臥籃遭困乏。何人在世缺哀憐。

○愛人無己一純神。特選嚴冬作誕辰。自隱至尊投野
棧。甘貧受苦拯愆民。

○牧童守夜滿心歡。俯伏欽崇覲主前。蠢物驢牛知跪
敬。天神奏樂半空言。

○救主復生吾躡將。光明恒速免諸傷。純如神體莫嘗
阻。勝死獲生赴永長。

○耶穌復活應新甦。達理及全弗見幽。順命無延永避
罪。勇爭莫懼勝諸仇。

○渡海飄篷黑夜長。東西難辨往何方。明星喜見光前

照向道無差抵故鄉。

○主懸十字贖民愆。慘視酷刑痛淚漣。母內愁腸諸苦集。如刀萬刃刺心田。

○冕旒十二異星輝。上耀天朝下暎黎。日晒千倍難比及。勝誇貞德福全齊。

○瑪利聖名天后稱。人呼得福鬼聞驚。海星迴亮皆其意。公會讚揚永不停。

○瑪利尊高感我崇。海星指路世無凶。明光耀彩逐幽暗。衆苦大滄貴忍容。

○萬卉叢中殿衆葩。玫呈貞潔布清華。自從放後茲難覓。移植天鄉救世家。

○嘉俾恭報福音臨。婢女謙稱甘以行。如爾之言我應允。雖生救世仍童身。

○聖德超羣諸善齊。愛人體主刻難離。身充婢女心同在。公會傳明萬國知。

○甘結貧寒寄異邦。都緣護主免仇傷。惡王身故因神報。愁失歡臨返本鄉。

○空閒懶誦讀。獨務逞才術。查幻景情虛。愧愁滿肚腹。

○思言舉動忠。審判威嚴奪。決定貶獄冥。斯無可逃脫。
○不昧己良心。忻勤乃正經。思言舉動作。習愛忍和貞。

聖會婚姻對

○言于人性給怡開永蒂
○儷以聖姻配愛待恒和

○人倫衍慶稱元首
○詩咏關雎第一章

○一肋造人成配偶
○六疇化酒顯全能

○七蹟踐形傳聖業
○八端福樂履真榮

○協志欽崇助幻世
○同心事主赴天鄉

○主定婚姻元祖始
○人倫繼衍後昆興

（婚從主定遵王制）
（禮繼人倫重古風）
（願此世夫和婦順）
（莫他年子孝孫賢）
（兩姓和諧傳聖業）
（一家歡聚奠真榮）
（不願粧奩千兩贈）
（惟求事主二心同）
（人爲伉儷千秋合）

（兩姓聯姻締伉儷）
（六樽宴樂慶嘉賓）
（七蹟聖傳夫婦配）
（八端福樂子孫承）
（婚姻主定百年事）
（繼衍人倫萬世恩）
（遵聖典儀而締結）
（除人偏黨以諧合）
（兩姓聯歡由主命）

○主立婚姻萬古偕

○千年締好自人成

○開闢初至尊立婚姻爲衍人類正基址

○世臨末吾主陞伉儷以增寵福真秘跡

○望天堂覓伴侶從今得矣

○居苦世求相資只此來焉

○合助以成一體愛歸二旨

○分支將衍萬人德重三端

婚姻匾額

德澤盈門

伉儷一體

兩心無二

仁愛之合

苦樂均分

姓異心同

榮偕主眷

主定厥祥

主命偕老

互守主恩

同心堅信

歡從主降

聖教喪對

(祈禱爲新亡由十字奇勳能除永死
(通功因煉苦藉五傷救贖可獲常生
(亡寢內舉哀聲孝子慈孫情非假意
(喪場中共祈禱良朋賢友愛是真心
(終歿世人焉可逃問列昆所行善德

○罰賞衆羣豈能免請諸友細察良心

○李莊惑世妄修齋吾家無用邪術

○楊墨欺人誦破獄聖教革除異端

○講正理勸親朋探原溯本敬真主

○指迷途引昆友識祖承宗做善人

○審判甚悽惶獨惜世人難想及

○死時真慘悼堪嗟衆輩未提防

○父子今朝暫且別

○親朋改日永相逢

○守制三年容易過

○憶親千載最難忘

○身自土生仍返土

○魂從何出罕追尋

○憶父母方卸世界

○思儀容已離歡情

○或先或隨予日懼

○孰真孰僞汝明觀

○畏罪罰朝夕務懷三德

○思修身日夜須存四終

○幻世浮榮不足滿人願

○追憶先年悔不及

○尋思永載怎開交

○仰慕天鄉守主誠

○思逃地獄克私情

○喪禮不哀何足視

○簫金莫嚮奚爲偏

○圖盈壽莫若圖善

○懼死亡無比懼生

○無慮在心思永苦

○天鄉永福方能充善心

○有艱於外念常生

○享諸妙惠祥三司並樂

○鼓樂無聲因守孝

○觀萬善輝榮五內皆安

○衣冠不整爲思親

○天鄉有聖登辜輩弗克

○枕上空流泣母淚

○死候無人免判疇能逃

○堂前無復喚兒聲

○公會無私指引普民登正路

○須盡三年孝

○通功有禱望提煉侶獲常生

○常懷一片心

○立志修身自幼至衰生有慰

○玉梅含孝意

○勞心積德從青到白死無憂

○金柳動哀聲

不慮不營已脫眼前世旅網

守制難酌禮

無私無間竭登永久天鄉梯

思親免負年

生前暫寓善愆兩路由人蹈

天下皆春色
吾門獨素風

死後永居祥惡一徵在主權

善升惡降從今定
罪罰功償只此明

見茲時骨化形消朽而無朽

難捨利名今已捨
再圖世富不能圖

有後日天窮地末生必永生

幻世利名今已盡

形靈別矣善愆人果悉明辯

賞罰嚴哉功罪主衡無有差

正理常遵毋讀禮正理是也

○施仁垂愛不從人施仁幸哉

○天鄉福樂永無窮

○闢邪妄革除吹簫擊鼓

○都緣父沒愁難釋

○遵正理毋許奏樂鳴金

○待舞班衣樂未酌

母死用

父死用

○萱草可忘憂傷哉萎矣

○狂風昨夜折椿樹

○班衣待舞移慄乎休焉

○細雨今朝挹淚痕

喪事匾額

死而不已

世難至末

善天滿壽

依時而倉

死而審判

世榮歸墓

朝善夕可

主賜永寂

生時積德

勿惜爾艱

已所厭何

恒光照之

死無所聚 嗚呼念哉 佚生畏死 祈救煉靈
今我翌爾 守死善道 吾富不復 朝夕哀懇
終生習死 思死知生 善生福死 息止安所

喪事單條

○爵祿利名若霧散。樓臺玉閣任人佔。金銀寶藏堆如山。富貴榮華頃刻變。

○臭腐屍骸歸故土。有何逸樂可貪慕。子孫滿屋淚流漣。親眷友朋悲過度。

○亡魂一去棄屍骸。厚葬薄瘞莫計懷。喪事縱然盡美

麗。有何益害及終埋。

○葬親棺槨稱家財。四顧方圓修墓臺。郭璞堪輿龍穴地。無根詭誕悚賢才。

○父母妻兒兄弟棄。本身骨肉爲蛆嗜。內司外覺絕私情。孰問我魂着落地。

○真假是非人共知。奈魔俗欲阻行之。死期不料臨提我。方悔夙愆改甚遲。

○魂詣主前聽判稽。心懷妍醜著明期。至公至義悉詳察。賞罰森嚴莫可欺。

○儒士每云人死生。咸由散聚陰陽能。祭文套語每家給。格饗之詞妄謬深。

○可憐散俗固迷深。不惜銀財冀望興。悞信福人得福地。盛衰天壽堪輿尋。

○聖而公會據真實。反惹讒言笑固執。主旨承行正道遵。邪談謗語自停息。

○豐亨利達主神命。地理流民故擅定。試看陰陽騙智愚。壽榮全享幾人應。

○經課節文按教綱。居喪守制美風光。異端邪術毫無

染方顯聖門義禮長。

○倘寄世時罪染深。滌除未盡死期臨。是魂暫束煉形獄。義罰滿期許上升。

○直至世窮公審判。萬民復活赴嚴案。忠良奸惡兩傍分。陟降無詞可訴辯。

○拘禁煉魂今痛哭。訴伊無力免刑戮。哀祈會友懇慈恩。幸造天庭代壽祝。

○善賞登天享福祥。惡投冥獄遭諸殃。吉凶永案斯時著。奉告賢君乘早防。

○儒曰亡魂乃氣散。釋言轉劫道仙讚。憑斯諸說魂遙離。何用設靈當現站。

○釋氏妄談人始終。西天樂界屬虛空。超生渡死逆仁義。六道輪迴狂世蝨。

○地理先生慣說空。指南指北指西東。世間果有王侯地。何不先謀葬乃翁。

○生死原無定。枯榮只此分。樓臺觀日落。車蓋嘆浮雲。鳥影當前過。鐘聲昨夜聞。幾翻腸斷處。珠淚兩紛紛。○名利從今別。虛華不再圖。一時雲雨散。幾處友朋孤。

淚向衣衿滴。心將血汗枯。平生無此哭。不是爲窮途。
○生前則慶死堪哀。一別親朋不再來。世末重逢茲有望。勸君祈禱免傷懷。

○人從歿後憶生前。勝見當年懿德賢。愧我無才難紀述。臨題空有淚淒然。
女用

乾與坤。有終戕。人生苦世焉能常。少與壯。望壽長。罕見百歲之老蒼。福祿壽。縱周全。不過數載之丰光。人有生。必有死。勸君趁早細思量。善與惡。由人作。賞罰權在天主掌。按人功。據人罪。死時決定永殃祥。

身染病。心就惶。不知朝夕之存亡。提起死。動淒涼。可惜無人肯早防。想起死。個個慌。是誰免得死亡殃。身固死。魂不亡。卽時就赴審判場。察平生。思言行。獨坐羣居功罪賬。善受賞。惡受罰。絲毫不爽莫堪藏。○或天堂。或地獄。實係靈魂永坐莊。死人屍。入棺柩。送往青山埋野荒。待世末。人死盡。尙有一回公判場。那時節。諸死亡。魂合原身受殃祥。離墳墓。而復活。聚集一山分兩旁。惡在左。善在右。候至威嚴判司降。當諸聖及萬民。至仁義至案公彰。善上升。惡下墜。各

遲義案莫躲藏。想起死。心慘傷。公判之嚴苦難當。
詞句短。義理長。勸君仔細作商量。分是非。辨邪正。趕
忙立志奔天鄉。等到死。悔不及。罔費心機招永殃。
人寓世。想行善。望死候。到得美家鄉。被魔欺。失原美。
昧真神。喪盡良心光。存好心。舉善念。忘正道。自投魔
鬼網。拜天地。無靈物。虛靠他。降吉除災殃。敬邪神。
習左道。投凶險。弗知所趨向。喫佛齋。念佛咒。想他有。
保祐世人方。刊佛經。修寺廟。觀活佛。虛望到西方。
朝名山。打清醮。信輪迴。女轉男身祥。信算命。及占卦。

任他講。天壽窮通強。求地理。訪陰陽。用盡心。謀得富貴長。氣聚生。氣散亡。依儒士。氣散魂消亡。設靈牌。點神主。誑愚民。說魂棲牌上。擺祭奠。誦祝文。如有靈。請臨格上享。○燒紙錢。焚銀錠。非哄鬼。實迷俗。輕狂。每作七。延僧道。設齋飯。念佛做道場。親葬畢。喪事完。一屋人。躲避迴煞殃。三周年。孝服滿。把靈牌。投入烈火場。七月半。年三十。家戶泣。請祖來受香。總不省。亦不問。魂離軀。究竟往何方。頃刻間。詣主前。各人還。一生功罪賬。善受賞。登天鄉。偕諸聖。享永當無疆。

忠受罰。墜地獄。交鬼卒。遭永禍萬殃。或忠良。或奸橫。
義案定。並無享祭妄。

單條

嚴絕異端	勿被魔侵	念佛拜懺	枉勞身心
訪立學道	悞爾非輕	財祿名壽	惟天主分
豐亨利達	莫謝死人	祠觀寺廟	邪魔所興
上古原無	可惜爾銀	家如充足	盍用濟貧
燒錢化帛	有何正經	春秋灌獻	傷理虛文
親友卸世	勿書主神	亡魂離軀	祭奠不歆

春對

（宇宙中萬物森森追究根原造從天主
乾坤內羣民密密遡尋始祖生自亞當

（造物恩流化及蓉城新萬象
權衡主宰澤通錦水漾千秋

（乾坤遵上命
萬物欽全能

學堂對

（好學士心意弗究童考業成方止
忻勤友志量無分易難功全則休
同學友情投意合方爲智士

共師朋願順心睦可謂明賢

志欲名高勤習謙和斯獲本
心貪德厚輕財賤己此爲宗

米糧舖對

出舊易新轉輸容客販
重農貴粟飽食感仁施

飯舖對

壺內黃茶能止渴
甌中白飯可充饑

餘米流通民有食
雜糧糶糶利無方

每日三餐心願足
終朝一飲意無虧

建房對

- （民才創設華堂不越五旬復舊）（謙卑永顯仁爲屋）
（主智肇開宇宙雖經千載維新）（善表恒存愛作堂）
（富有萬金建創華堂恐慮）（德門新創德人慶）
（貧無半兩莫修聖殿願成）（善第重修善士居）
（蘊修聖殿於心內）（日月光輝新棟宇）
（莫創華堂在世間）（山川環拱舊樓臺）
（大廈維新光市井）（克勤克儉家聲舊）
（雕樑畫彩耀門庭）（爰處爰居第宅新）

○邸店今修涕泣裏

○旅堂仍在竄流中

○建修宅第續前志

○豐大門庭繼後昆

藥舖對

○懼嘗苦味輕吞劑死亡憂至

○稱靠醫司從悅令生命樂長

茶舖對

○茗芽滌胃能消積

○三德傳家真聖業

○千金創宅幻新基

○善作華堂難改舊

○德修畫閣永為新

○只求人少病

○不慮藥生塵

○蒙山頂上春常在

○雀舌清心自爽安

○洋子江中水自流

細緞舖對

○彩色光華塵世尙多美好
○德容照著天鄉更顯輝煌

○令儀增令德
○修道即修身

裁縫舖對

○剪碎綾羅皆是料
○縫成綉布總爲衣

○取樣短長全在尺
○縫新補舊只憑針

帽舖對

○珠纓盛禮倍朝服

○錦螺炫彩堪遮露

○赤幘佳名重首冠

襪舖對

○精工剪就非鋤套

○妙手縫成是足衣

鞋舖對

○鑲邊蘇式稱新樣

○滾口關東是舊模

靴舖對

○步殿有聲非屬履

○巾幘流光自拂塵

○冬着能防冷

○夏穿可避蚊

○時興緞面珍珠底

○京欸布帮元寶頭

○遠觀似襪非爲襪

○隨班站立豈云鞋

○近看無鞋決有鞋

木匠舖對

○化裁且自胸中出
○能智由於掌上生

○曲直準純定
○方圓規矩成

鐵匠舖對

○紅爐煉就資諸用
○礦鐵造成助百工

○鋒刃劍刀歡武士
○純綱整鑿樂農夫

銅匠舖對

○精工製就非為鐵

○遠觀貨物人言鏹

○妙手遠成慨是銅

錫匠舖對

○精工手藝錫鉛內
○奇巧工夫造作中

染房對

○鵝黃鴨綠雞冠紫
○鷺白鴉青鶴頂紅

煙舖對

○吐出如雲頃刻散

○近觀質材衆曰銅

○器皿光明通白銀
○壺瓶亮暎是青金

○缸內水漂黃帶綠
○櫃中貨積碧連紅

○吞來醉我非關酒

騰空若霧霎時無

遞去留賓可代茶

剃頭舖對

進門來頭頂密髮
出戶去臉帶姿容

類同面目容能別
相等鬚眉貌自分

諸匠舖對

物可成只此方圓平直
人須巧還須規矩準純

心通萬象心何有
手顯奇能手不知

各舖對

恒將買賣為生業
暫借浮華望故鄉

聖教禮規終

